

沈雲龍教授主編

近代中國史料叢刊

第二十八輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料 (Primary sources of materials) 與次要資料 (Secondary sources of materials) 兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊 第二十八輯

目錄

籌瞻疏稿……………鹿傳霖著

拙齋叢稿……………朱一新著

清芬閣集……………朱采著

陳侍御奏稿……………陳善同著

出使美日秘國日記……………崔國因著

陶齋文集……………王樹枏著

石遺先生年譜……………陳聲暨王真編

歐戰之教訓與中國之將來……………黃郛著

建國銓真……………徐樹錚著

國民政府外交史……………洪鈞培著

環蜀邊外皆土司也最近而爲領袖者曰明正最遠而轄地廣大者曰疊蓋亦稱德爾格忒地最險人最强者曰瞻對本爲上中下三土司道光間中瞻最强土酋工布朗結性悍鷙漸吞併上下兩瞻合而爲一恃其地險人強復擾附近各土司時琦侯善督蜀檄兵往勦瞻酋扼險拒守征討經年喪師糜餉迄無成功而土酋益驕橫迨咸同以來髮捻雲擾中原用兵無暇籌邊瞻酋益四出侵犯致梗蜀藏茶商運道藏番恃蜀茶爲命用是駭憤司藏事者名商上以呼圖

克圖爲之凡事稟商駐藏欽使所謂達賴喇嘛者尊而無權誦經而已商上屢乞藏使奏請發兵征瞻以通茶路 朝廷持重慮開邊衅遲久始奉川藏會剿之命適川匪藍大順正猖獗征剿吃緊之時勉分兵檄道員史某率以出關逡巡不進藏兵因需茶孔急人皆奮迅且由藏入瞻爲建瓴勢遂馳兵先至攻克瞻巢逐走瞻酋據有其地我兵聞捷始會藏番因藉詞乞賞十六萬金始允歸地內屬維時蜀正匪擾餉匱遂倉卒徇史某請奏以瞻地賞藏由彼設官經

理自此邊境遂無甯歲蓋瞻對居眾土司之中由藏入瞻必越疊蓋之境距打箭鑪廳僅三百餘里藏俗馭民最苛藏官治瞻尤虐卽四鄰土司無不受其侵擾者丁文誠督蜀時無歲不委員派兵彈壓諭禁自某督蜀不以邊務爲事各土司皆爲其威脅暗相依附惟明正近在內地亦漸侵越遂致連年爭地構兵互鬪案懸莫結瞻民不堪其苛虐曾于光緒十五年內鬩逐其藏官乞歸內屬乃蜀督不爲主持致誅瞻民之首禍者數人藏官雖亦伏罪仍由藏別遣番官

來且添派藏兵八百堪布一人助守其虐更甚於前
余泣蜀後訪悉情形知瞻地爲全蜀門戶瞻民旣苦
番官之虐久思內附正宜設法收回其地以固吾圉
適瞻官又越境率兵干預朱窩章谷土司爭襲之案
不遵開導槍傷我兵乘此聲罪致討理直氣壯機不
可失於是檄兵深入險阻不及三月克定全瞻進規
疊蓋該土司久爲瞻官所貶潛通其婦政由瞻官若
收撫其地添設漢官以鎮之則威令行於藏中且疊
蓋北路遠界藏之卅九族爲駐藏章京所轄其地荒

涼平坦若由此勘修電線以達於藏則聲息靈通方可控御藏番蓋自英藏構兵和解以後立約畫界藏番屢經梗議遷延五年英人屢有責言勢將開衅達賴復妄自尊大一切專政時與駐藏欽使牴牾遂致威令不行受其挾制若收回瞻地則藏番有所震懾電線再通聲援自壯欽使不受制於達賴乃能令出維行且英俄交窺藏地隱而未發我若力足制藏英甚願藉藏爲我屬公法兩不相侵爲辭因以拒俄則蜀尙有藩籬可恃藏或可保暫安凡此緊要情形迭

次經營籌畫先後剴切疏陳書數十上無如政府意見不一主持大局者僅李文正相國乃大星遽隕內外交譖余奉詔解任前案全翻成功盡棄竊慮此後藏不可保蜀亦必危屏藩盡失大局何堪設想爰以前後疏稿付梓畧述事之顛末敢以質諸識微見遠之君子

光緒庚子仲夏定興鹿傳霖

籌藏收贍電 旨電奏彙存

光緒二十二年二月初八日准

軍機大臣電寄欽奉

諭旨奎煥著卽開缺來京所有西藏一切事宜著訥欽妥慎辦理此旨著鹿傳霖傳諭奎煥訥欽知之欽此

二月初九日准

軍機大臣電寄欽奉

諭旨覽鹿傳霖所奏西藏情形殊深厯系奎煥已令來京訥欽到任未久一切操縱機宜著鹿傳霖馳函商酌或揀派熟悉藏務公正明幹之員隨同訥欽辦理俾資臂助至贍

對桀驁不馴尤須妥爲開導毋激事端欽此陽

三月初三日京署來電奉

旨近聞廓爾喀與西藏失和意欲決戰廓悍而附英藏愚而奉佛勢必不敵廓若得志全藏將不可問著鹿傳霖速卽揀派熟悉藏務之員馳往設法解散勿令起事藏旣恃俄爲援則廓之動兵必係英所主使該督留心邊事應如何措置之處著籌議具奏欽此江

初九日京署來電

成都制台支電悉廓藏構釁已下決戰書龔使閱英報而得英亦願勸解云云並未言及起衅根由廓之附英

非自今始廓藏近事難保非英所嗾藏番愚闇相持愈
久藏事愈危總以速解爲要印藏勘界前因更換藏帥
曾照會英使轉商印督緩勘英使昨言印督出巡前文
未復此文未發以前曾接其來文擬四月中勘界云云
頃藏奏以藏番梗議因界約地址與升大臣奏案不符
咨署照會英使由藏印委員會勘不符之處云云界約
與升奏不符係中國自理之事印員豈肯會勘彼係據
約辦理殊難轉圜未便照會英使徒滋口舌齊

十三日寄京署電

總署鈞鑒前奉江電奉

旨近聞廓爾喀與西藏失和意欲決戰著鹿傳霖揀派熟悉藏務之員馳往設法解散勿令起事應如何措置著籌議具奏欽此遵卽飛咨確探連日妥籌揀派分省知府李毓森隨帶熟悉員弁由海道駛往查探確情設法解散惟川藏文報遲緩擬請修電綫先由成都至打箭鑪再擬接展入藏以速邊報川本有款十萬存盛宣懷處可撥用謹求代奏請

旨餘容詳細另奏傳霖叩元

十七日寄京署電

總署鈞鑒奉

旨飭查委員李毓森由海道駛往究竟取道何處著詳復藏地情形仍著確探欽此伏查海道係由上海香港經新加坡至印度孟加納再乘輪車一晝夜達印藏交界之獨脊嶺至藏自成都行兩月餘可到廓藏失和事甚緊迫航海較速並可在印暗探英人情形先繞至廓爾喀相機解說爲釜底抽薪之計前襄辦藏務已革知府稽志文曾航海由此道進藏若走陸路甚遲緩不濟急謹代奏霖叩篠

四月初八日京署來電

樞中鈔交尊處奏派李毓森赴藏一疏內錄三月初三

電

旨此係密件各省類皆節錄此疏若分行恐致傳播尙祈察
照至李毓森薪水既經奏准便可開銷毋須援照出使
章程因使章與此迥異雖繞海道究係華境並非奉使
他國片函達魚

五月初二日寄京署電

總署鈞鑒頃准駐藏幫辦大臣訥欽咨覆查無廓藏失
和決戰之事僅有界務兩案已結一案刻正查斷或別
有秘謀則不可知惟畫界行茶等事藏番違抗曉瀆達
賴管事攬權惑於羣小更不聽開導瞻對番官仍抗不

遵撤等語伏思廓藏決戰之言英人故爲此說必有狡謀李毓森由印赴藏或可密探消息新藏使文海旬日可到當與熟籌酌辦惟據報瞻番糾眾出巢盤踞章谷土司官寨勒令投瞻委員業已馳往仍飭婉爲開導一面勒兵以待恐難善了除詳細陳奏外請先代奏霖叩冬

十五日寄京署電

總署鈞鑒昨准藏咨廓無決戰事當卽電請代奏在案新藏使文海現已抵川今據委員李毓森行抵上海電稟以廓藏旣無決戰事自可無庸解釋印藏界務大臣

訥已咨印督緩待文大臣到任再爲勘辦是毓森奉委
兩事均無可辦惟業已奏咨應否仍出洋赴藏抑可毋
庸前往以免耗費請示前來伏思解釋廓藏及隨勘界
務兩事現准藏咨一則並無失和一則緩待新任誠如
李毓森所稟赴藏無可籌辦惟旣經奏咨如總署已照
會駐京英使知照印督則應仍飭李毓森航海由印度
入藏藉可密探消息如尙未照會英使則似可中止敬
祈查明代奏請

旨示遵

十八日京署電奉

旨鹿傳霖電悉李毓森著仍赴藏隨勘界務欽此

七月二十八日京署來電奉

旨瞻對之事干涉達賴恐掣動藏中大局現已添營進剿能否得手著鹿傳霖隨時電聞欽此

同日寄京署電

總署鈞鑒電綫斷阻二十八日恭奉號電

諭旨欽遵進剿瞻對克其險隘昨已馳奏今正攻其巢不日當可得手達賴不遵

旨撤換番官縱其滋事訥欽若能嚴折以理彼當無可狡賴藏中尙無消息得信謹速電陳祈代奏

八月十五日寄京署電

總署鈞鑒頃接駐藏幫辦大臣訥欽咨稱瞻對番官現經撤換照例擬送正陪兩員奏請

簡放等語查瞻對已革番官稱兵犯順業經奏明進剿刻正圍攻其巢可望得手自不宜再派番官訥欽奏時計川中咨文尙未到前屢催更換達賴抗玩不遵今既申天討該達賴始請更換似未便准行仍貽後患相應請旨於訥欽奏到時嚴責達賴庇縱抗延之罪應卽收回瞻地諭以前有功則賞之今有罪則奪之以示

朝廷賞罰大公之至意謹請代奏候

旨遵行

八月二十二日接京署電奉

旨鹿傳霖電悉瞻對用兵係暫時辦法事定之後應否仍設
番官當再斟酌妥辦訥欽尙未奏到俟奏到當諭以從
緩再辦不能因此嚴責喇嘛轉生他衅也藏事棘手該
督等當通盤籌計切勿鹵莽並諭文海知之欽此嘯

九月初一日接京署來電奉

旨前據鹿傳霖電奏進攻瞻對即可得手何以連旬未據續
報至瞻對番官本日訥欽奏到業已照准此與軍務兩
不相妨卽瞻境邊平亦當有番官撫輯也欽此有

同日寄京署電

總署鈞鑒電線不通旬日九月朔始奉有電

諭旨瞻對番官訥欽奏到業已照准等語欽奉之下惶悚莫
名查瞻對本係川屬從前賞給達賴原一時權宜之計
況瞻對今日之得失實關川省之安危前經迭次奏明
擬請收回瞻地改設流官昨復電奏奉

旨俟訥欽奏到當諭以從緩欽此謹將瞻對在所必爭且可
懾服達賴界務或易辦理情形由驛馳奏計尙未到且
瞻民懽然歸順不啻出水火而登衽席今若再派番官
管理不惟瞻民仍受其害土司悉爲所脅將來川省有

無門戶可守所關甚重至攻剿瞻巢地遠礮堅又因擊退賊援以致月餘尙未得手迭次軍報動逾旬日昨亦詳細奏陳一面嚴飭周萬順刻日攻下並添派四營前前往以期必克今欽奉

諭旨准派番官若新番官一到卽不備用兵是使瞻民失望土司離心此時之損威猶淺日後之貽患實深臣具有天良不敢畏難苟安力圖保川之計是以迭次奏請收回贍地改設流官合再披瀝血忱不避斧鉞仰懇

聖明鑒察仍照前

旨緩派番官俟瞻對攻克改設漢官撫輯如蒙

俞允俟訥欽批摺驛遞過川時准由臣折收恭繳得以保川
圖藏大局幸甚敬祈代奏請

旨

初五日接京署來電奉

旨鹿傳霖電悉瞻對事該督之意爲籍此收回使達賴懾伏
朝廷之意正恐達賴不能懾伏轉致激動藏番驅以外向此
事消息毫釐千里該督亦當深思此時軍務總以能否得
手爲斷果能得手則雖有新設番官何難從長佈置若不
得手刻雖不設番官於事奚補該督惟當督飭將士迅拔
番巢以安邊圉至准放番官已有明降諭旨所請繳回批

招之處著勿庸議欽此支

十月初十日寄京署電

總署鈞鑒瞻對碣寨全克逆番對堆奪吉先遁番僧夷
喜出降善遣回藏現籌善後酌設流官惟訥欽咨新番
官已起程應請電傳

諭旨由臣咨行訥欽飭令新番官無論行抵何處卽行回藏
以免到來牽掣再昨有藏兵援瞻之謠查係仔仲詐詞
至前奉電

旨恐達賴驅以外向似可無慮除詳細分別具奏外敬祈先
行代奏

十三日接京署電奉

旨鹿傳霖電奏瞻地礪寨全克逆目遁逃甚慰屢系惟上中
下三瞻是否全克又未詳敘月日尙應查奏該督於易換
番官一事堅持前議不知三瞻亂在裏塘中間爲入藏要
路此等辦法達賴豈肯甘心卽無藏兵援瞻之謠亦當慮
及總之保川固要保藏尤要籌善後設流官此保川之計
非保藏之計也叛則誅之服則撫之已給之地不索還已
授之官不更易隱示達賴以兵威而不使藉口生釁此保
藏而並保川之計也該督身膺邊寄務當詳思善策速卽
電復欽此文

十三日寄京署電

總署鈞鑒奉到文電

諭旨跪誦之下惶悚莫名查贍巢係於九月二十六日收復
上中下三贍全境早經一律歸順贍對在裏塘巴塘之
旁並非入藏要路藏圖可考查通藏大路文報茶商均
往來無阻歷年贍番肆虐滋事贍民受害甚深土司被
脅附從此次大兵出關羣焉歸化不願再隸藏番仍受
荼毒土司亦各訴其被脅受制情詞迫切自應許其收
歸內屬故相率用命助剿今若仍歸藏轄使土司贍民
仍受藏番苛虐不惟大失民心亦無以昭大信而廣

皇仁從來招民使內附未聞驅民使外屬瞻民不甘仍受藏
番之暴虐勢必紛紛籲請其將何以應之況瞻地實爲

川省門戶哉

臣仰沐

聖恩畀以川疆重任何敢不通籌熟計此事達賴雖不免饒
舌而決不敢別生衅端藏番亦知順逆況英乘其後廓
伺其旁彼再叛

天朝何以自存俄亦不能遽通

臣接藏員探稟所言相同如

其藉口生衅

臣願身任其事必得一當以報

朝廷伏乞

聖恩憫瞻民之苦念疆土之重俯准仍如

臣請撤回番官以

便妥籌善後不惟保川卽以保藏不勝迫切待

命之至敬祈代奏

十月十七日接京署電奉

旨鹿傳霖電悉著酌留數營駐紮瞻對鎮靜彈壓此事關繫川藏全局現在大路並無阻礙著文海速馳赴前藏會同訥欽察看情形如瞻對收回是否輸服有無後患詳細馳奏以憑辦理并著鹿傳霖將前後電報奏摺一併抄寄文海等閱看至番官業經簡放此時毋庸遽撤欽此鈇

十二月二十日京署來電奉

旨鹿傳霖馳奏瞻對設官各節覽奏已悉此事關繫川藏全

局是以疊諭該督妥慎辦理今據所奏於川省藩籬綢繆甚固而於藏衛情形仍無把握達賴尙無回信又未撤兵其包藏貳心已可概見設因一隅內屬而全藏動搖得不償失該督豈未深思耶著該督將贍民願仍歸川並朝廷垂念藏番可以酌賞銀兩之意明白宣示派委幹員乘傳入藏必得達賴的實聲覆且以覘其向背之幾俟有確情再行定議切勿孟浪從事致誤大局欽此號

二十二日寄京署電

總署鈞鑒恭奉號電

諭旨跪誦悚惶查新番官暫駐察木多只隨帶兵二百名此

外並無藏兵達賴狡詞藉口漢官偏袒明正土司請訥
欽代爲奏辯且有專人進京申訴之言並未敢公然生
衅前會商文海迭咨訥欽已將此次

諭旨內瞻民仍願歸川朝廷垂念達賴可以酌賞銀兩之語
派委赴藏委員李毓森就近宣示開導訥欽當能妥辦
川藏寫遠番性遲疑回信勢難迅速請免再行派員至
籌辦川邊設官各事如章谷朱窩巴裏兩塘皆川省自
辦之事與達賴無涉自可先行籌辦以免貽誤事機謹
請代奏

二十六日京署來電奉

旨鹿傳霖電悉朝廷慎重者瞻對設官一節至朱窩章谷及
巴裏塘布置原與藏中無涉然若因朱窩等先設流官遠
將瞻對一體改設則前此簡放番官之旨必須撤回難保
藏番不從此生衅著遵前旨迅派幹員馳往宣示後取有
的實回信再行電聞此時有四營在瞻必無他慮欽此有

會奏請調棍噶札拉參呼圖克圖赴藏開喻番眾疏
奏爲會商請調棍噶札拉參呼圖克圖赴藏開喻番眾以
化頑梗而裨通商大局恭摺仰祈

聖鑒事竊維西藏番性頑梗見小利而昧遠圖自印藏通商
靖西雖已開闢而番眾懷疑莫釋動輒桀驚不遵臣等
先後抵川接晤籌商以冀保全和局因思頑愚異俗之
倫必其氣類相同及素所信服者則其言易入庶可感
化其心查有棍噶札拉參呼圖克圖嘉穆巴圖多普前
於光緒九年奉

旨入藏熬茶在彼二年番眾極爲悅服嗣經前任四川督臣

丁寶禎專疏薦舉蒙

恩准令人

覲後飭回甘肅擇地建立寺院奉經恭祝

皇太后六旬萬壽現在洮州

臣

昔任川藩時正值該呼圖克圖

入藏之際常與往還爲日甚久深悉其賦性忠誠才識

閎遠洞曉西北形勢而且感戴

聖恩每思報効今

臣

訥欽履藏之初亟當宣播

朝廷威德曉諭番眾化其頑梗之積習以期無礙於通商然

野性難馴恐非正論婉言所能感喻誠能得其夙所心

服如棍噶札拉忝呼圖克圖者助

臣

訥欽竭誠開喻不

惟語言相通抑且聲氣相感其商上及番眾人等必能
聽從該呼圖克圖之化導盡泯猜嫌不致再與英人牴
牾則通商和局庶可長久相安至該呼圖克圖閱歷已
深頗知權變必能和衷商辦輕重適宜臣傳霖知之最
稔實可保其無他方今邊患日棘得此幹濟之才用之
輕熟之地必有成效可觀臣等籌維至再意見相同合
無仰懇

天恩飭下陝甘總督臣傳諭棍噶札拉參呼圖克圖迅速來

川與臣傳霖會商後卽行赴藏俾臣訥欽得與隨事商

辦以通番情而裨和局是否有當謹合詞恭摺具陳伏

乞

皇上聖鑒訓示再此摺係臣傳霖主稿臣訥欽拜摺後於六

月初十日由成都省城起程入藏合併陳明謹

奏

會奏查辦瞻對情形疏

奏爲瞻對番官屢次領兵越界滋擾明正土司地方現擬查辦情形恭摺具陳仰祈

聖鑒事竊查瞻對番部自改隸西藏以來恃其地險人強往

往侵擾附近土司越界滋事上年五月臣督劉秉璋

任內接據阜和協副將徐聯魁打箭鑪同知趙墳轉據

明正土司稟報瞻對番官藉清查明正所屬瓦述三村

爲名派令頭目統率番土各官屢次越境滋事擾及明

正部落焚殺搶擄以致瓦述夷民逃竄無踪等情當經

咨明駐藏大臣嚴飭該番官迅速撤兵回藏不得尋衅

滋事在案迭准駐藏大臣咨復該商上皆聽番官一面
之詞曉瀆不休本年閏五月臣到任之後復據打箭鑪
文武稟報瞻番頭目現又領兵在明正所屬道塢等處
地方盤踞維時正值駐藏幫辦大臣訥欽料理起程臣
等與之共同商酌必須委員前往川藏交界查明妥斷
以弭邊衅當咨明駐藏大臣嚴飭該番官迅速撤兵聽
候查辦一面派委候補通判秦雲龍迅速出關相機妥
辦秦雲龍甫經出關番兵旋即退去隨派角洛噶達兩
汛弁持諭前往開導乃該番官抗不遵調出言不遜秦
雲龍當卽折回遂以該番官對堆奪吉僧官夷喜吐布

丹橫惡異常叛跡已露非語言所能開導等情稟覆並
稟達駐藏大臣查核臣等查核秦雲龍所稟詞涉張皇
又以打箭鑪文武於此案情形并不據實隨時稟報乃
延宕經年毫無頭緒當經一併撤換另派副將陳均山
同知郭鳳鳴前往接署飭令會同確查詳細稟覆茲據
查明此案實由爭佔那珍三村卽瓦述三村而起緣瓦
述三村本係革布什咱土司遊牧之地並無村落自道
光年間瞻對工布朗結叛亂革布什咱因瞻對番官彭
饒巴強橫一切聽其指使初以瓦述三村夷民助其守
寨旋卽據爲己有而三村夷民不服情願投歸明正旋

以贍對恃強追索明正遂爲每年折納糧賦銀四五十兩旋加至七八十兩於是瓦述三村遂歸明正所轄上年春間該番官對堆奪吉等忽又索取人民不肯收銀該村民不肯歸附嘖有怨言該番官卽先後分派堪布洽桑巴頭目如本率領多人分往瓦述三村地面需索夫馬口糧任意搶擄該村民畏其兇惡逃入明正別境藏匿該番官派兵追尋繕寫傳牌分赴明正所屬之少吾石角窩喇嘛寺等處焚殺搶掠大肆蹂躪明正亦卽調兵抵禦互有殺傷比以瓦述頭目阿家奪洛鎗斃小番官一名該番官復挾忿添兵大肆滋擾並霸佔明正

角耳夾壩石息娘三百戶不還至此次瞻對退兵因傳
聞明正添兵救援並聞駐藏幫辦大臣訥欽不日過境
遂陸續退去遣委員秦雲龍派委汎弁前往開導行至
距瞻對官寨里許橋邊爲番兵持械阻擋不令前進該
汎弁見難以開導卽行折回現時明正瞻對暫未滋事
等情稟覆前來臣等覆查瞻對明正現在雖已罷兵惟
前此兵端之啟實由爭佔瓦述三村現據查明瓦述三
村旣非明正所應有而明正所轄之息娘三百戶瞻對
又霸佔不還若不由川藏會派委員爲之斷結恐尋衅
報復後患仍無已時至瞻對改隸西藏之後曾經川藏

派員勘明劃分川藏界限

奏明有案該番官自應各安本分管轄所屬部落乃年來
屢次越界滋事此次與明正構兵經查辦委員派委汛
弁持諭往調輒敢抗違不遵實屬強橫恣肆惟聞駐藏
幫辦大臣過境遂卽退兵似尙有畏懼之心未可遽謂
爲背叛惟商上袒護番官以致該番官對堆奪吉等敢
於越界滋擾似非卽予撤參不足以示懲戒而杜後衅
臣等現仍飭令打箭鑪文武嚴飭明正土司自守疆土
不准尋衅構兵並咨駐藏大臣速將駐瞻番官對堆奪
吉僧官夷喜吐布丹迅速一併撤參嚴飭該商上另派

妥員接管聽候查辦一面另由川藏各派明幹之員調
集兩造秉公查辦以杜爭端如該番官再敢抗不遵調
越界稱兵則是情同叛逆臣等惟有選派將領帶兵前
往相機辦理屆時再當陳奏決不敢輕啟兵端亦不敢
優忽貽誤所有瞻番越界滋事現擬查辦緣由是否有
當謹合詞恭摺具陳伏乞

皇上聖鑒訓示謹

奏

三禾

禾

フ

密陳西藏情形可慮疏

奏爲訪查西藏情形甚屬可慮謹據實密陳仰祈

聖鑒事竊查西藏地方與四川脣齒相依關係甚重自英人窺伺藏地早存吞併蠶食之心勢已岌岌可危而藏番素嫉英人年來定議勘界藏番以我爲左袒英人心懷不忿俄人從而生心暗勾藏番許以有事救護藏番遂恃俄爲外援又以前駐藏大臣升泰所請賞番之款多未發給益懷怨望自駐藏大臣奎煥到後因其行止不檢商上更爲藐視臣到任之初卽深以藏事爲慮時值幫辦大臣訥欽正擬由川赴藏當經會商

奏調棍噶札拉參呼圖克圖赴藏冀以通達番情挽回補

救已蒙

俞允乃昨接陝甘督

臣

楊昌濬來咨該呼圖克圖正擬起程

旋即病沒

臣

接聞之下悼惜實深焦思無計欲再覓一

能通番情之人可以開導曉譬者竟不可得而隨時訪

詢由藏回川各員弁僉謂該大臣奎煥持已不端久爲

藏番所輕竟至威令不行該大臣在藏詳細情形業經

前督

臣

劉秉璋遵

旨確查覆奏有案已在

聖明洞鑒之中

臣

昨據幫辦大臣訥欽函稱目下勘界之期

日迫英人催促愈急而藏番堅執不從不惟不派番官
會勘并不辦夫馬而且禁止番民不准私行應僱經奎
煥再三開導該商上置若罔聞訥欽甫經到藏人地生
疏又屬幫辦殊覺一籌莫展從前該商上係地穆呼圖
克圖承充辦事尙知大體近則達賴喇嘛下山管理藏
事而又有三大寺爲之蠱惑且恃俄國爲外援公然恣
肆聞前幫辦大臣延茂在藏一切持正秉公番族外洋
尙稍有忌憚今旣不能前注勘界英人必將饒舌設又
生波折爲害匪淺應如何設法補救或另

簡明幹大員赴藏妥辦藉以商緩英人勘界期限之處出自

聖裁臣竊見西藏隱憂關繫甚大既有所聞不敢安於緘默
是否有當謹繕摺密陳伏乞

皇上聖鑒訓示謹

奏

另委妥員查辦贍對片

再臣等承准軍機大臣字寄奉

上諭前據奎煥奏贍對官領兵越界滋事當將番官對堆奪吉僧官夷喜吐布丹革職並分別諭令鹿傳霖奎煥體察情形妥爲辦理茲據恭壽鹿傳霖奏番官對堆奪吉等滋事情形與奎煥前奏大略相同據稱該番官聞幫辦大臣訥欽過境遂卽退兵等語該番官等尙有畏懼之心卽可相機開導著恭壽鹿傳霖會同奎煥訥欽飭令派出各員秉公查辦以息爭端如該番官等再有抗違情事亦當設法妥辦切毋輕啟兵端是爲至要將此各諭令知之欽此

欽遵辦理昨據訥欽來函奎煥奏請將瞻對番官對堆奪吉僧官夷喜吐布丹撤參在案接奉

諭旨恭錄譯行商上遵照而該商上竟敢不遵稟覆之詞語多背謬并不將瞻對番官撤換據此情形竊慮春夏之間難免不復出滋事前派去委員秦雲龍辦理不善該番官抗不與議臣等已將其撤回另委妥員前往并先行咨商奎煥等派員會辦懍遵

寄諭斟酌情形妥慎辦理斷不敢輕啟兵端容俟開導如何再行續

奏謹會同附片覆陳伏乞

聖鑒謹

奏

秀和

一

十

派員查辦廓藏失和疏

奏爲遵

旨派員查辦廓藏失和要案就近隨同開導畫界並籌議情形恭摺仰祈

聖鑒事竊臣欽奉電傳

諭旨覽鹿傳霖奏西藏情形殊深厯系奎煥已令來京訥欽到任未久一切操縱機宜著鹿傳霖馳函商酌或揀派熟悉藏務公正明幹之員隨同訥欽辦理俾資臂助至瞻對桀驁不馴尤須妥爲開導毋激事端欽此欽遵正揀員赴藏間三月初三日又奉電寄

諭旨近聞廓爾喀與西藏失和意欲決戰廓悍而附英藏愚而奉佛勢必不敵廓若得志全藏將不可問著鹿傳霖速卽揀選熟悉藏務之員馳往設法解散勿令起事藏旣恃俄爲援則廓之動兵必係英所主使該督留心邊事應如何措置之處著籌議具奏欽此等因當由五百里飛咨駐藏大臣查詢並飛札署後藏都司耿紹宗確探實在情形迅速馳報伏查印藏畫界爲期甚迫而藏番愚闇爭執事難就緒此時忽有廓藏失和之報是廓之動兵必係英人主使仰見

聖明洞鑒萬里之外伏思英俄交窺藏地蓄意已久而互相

猜忌皆憚於先發今藏已通俄恃以爲援故敢於爭持
界務若畫界不定英將以兵至藏必乞援於俄則英俄
且明明因藏互爭矣蓋英不欲明露與俄失和之形故
嗾廓與藏構兵藏斷難敵必乞俄援英卽從旁觀衅而
動臣竊揣英之用心必出於此然廓雖附英而亦忌英
決戰之說或屬虛聲姑徇英之意以恫喝藏番若得一
通達機變具有膽識諳練洋務之員先往廓爾喀爲之
詳陳利害勸令釋嫌修好或可聽從庶藏境暫安妥商
畫界以免生事惟徧察川中人員殊難其選適有三品
銜分省補用知府李毓森因接辦電局來川謁見臣與

接晤數次察其人頗明幹膽識俱優前在朝鮮辦理電局商務有年熟悉洋情因語以廓藏失和擬派員前往解散妥慎籌辦之意該員情殷報効不憚險遠因與討論辦法所陳均合機宜洵堪任使擬卽派往妥辦當卽先行電

奏惟由川陸路入藏台站節節險阻更換馬夫非數月不能達再由前藏至後藏赴廓爾喀又須月餘計需半年之久實屬緩不濟急查已革雅州府知府稽志文前奉派襄辦藏務曾航海取道上海香港新嘉坡恆河海口直達印度孟加拉登岸乘輪車至印度交界之獨脊嶺

入藏故此次議令航海亦取此道前往兩月餘可到以
期迅速且探得由獨脊嶺鐵路輪車已可直達廓境更
爲捷近并由川揀派熟悉藏務得力員弁隨同前往該
員道經上海尙須選覓洋繙譯偕往以期通達語言而
昭妥慎惟李毓森遠涉重洋籌辦要務所有輪舟輪車
往返雇價及隨從犒賞一切需用浩繁必須寬給公費
薪水可否援照出使之例於重慶洋關出使項下照四
品副使例月支薪水銀七百兩以資應用仰懇

天恩飭下總理衙門戶部核議飭遵一面先由川庫墊發銀
八千兩交該員收領應用事竣核實報銷勿許少涉浮

冒一俟廓藏案結卽飭該員就近隨同駐藏幫辦大臣
訥欽勸導畫界事宜至新授駐藏大臣文海臣已電催
迅速來川旋據復稱四月初由黔起行俟其到川臣與
面商妥籌一切卽可馳赴藏任相機妥辦再川藏相距
寫遠驛遞萬難迅速消息不靈昨謹電陳擬趕修電線
先由成都至打箭鑪再議接展入藏以速邊報所需經
費查前川省創修電工時籌款十萬存總辦電報道員
盛宣懷處可以撥用勿須另籌現欽奉電

旨准飭照辦遵卽派員勘路購運線料趕辦以速文報除再
確探實情續行馳奏外所有派員航海前赴廓藏查探

解散構兵並籌議情形是否有當理合恭摺由驛四百
里馳陳伏乞

皇上聖鑒訓示謹

奏

三ノ系

老リ

苳

派員查辦章谷朱窩土司爭襲構衅并松潘番案疏

奏爲川省章谷朱窩土司構衅擾害不遵開導派員帶兵查辦情形恭摺具陳仰祈

聖鑒事竊查川省地方東西南三面皆接夷巢甯遠越巂馬邊雷波峩邊距內地較近者皆分駐防營扼要填紮刻刻嚴防夷匪雖不時出巢均立即剿擒安撫其馴良夷支則散給賞銀宣布

朝廷恩德以示懷柔責令頭目約束夷眾其强悍夷目則擇尤卡禁用以羈縻多历年所苟且無事而沿邊之土司環繞星羅漸肆鴟張茲查打箭鑪所屬之霍爾章谷土

司汪青瞻登光緒十八年病故無子其兼祧子麻書土
司札喜旺甲娶朱窩土司索諾木多布丹之女爲妻翁
婿不和乘汪青瞻登病故之時其女卽將其印信號紙
案卷攜回朱窩收藏稟經打箭鑪文武屢次催交守提
朱窩土司不特不肯交出且敢聲稱往投瞻對番官理
論前督臣劉秉璋當將朱窩土司摘去頂戴勒限清交
乃朱窩土司恃瞻對爲護符日久藐抗臣到任之後迭
次勒限嚴催仍復抗玩如故上年冬間該土司等各帶
土兵互相爭鬪燬掠章谷漢民二十餘家經角洛噶達
兩汛弁帶兵彈壓解散回巢臣等正在嚴飭查辦本年

二月間朱窩土司又復調集土兵並稱勾結瞻番添兵相助將攻打章谷土司地方打箭鑪文武迭次派員開導匿不見面抗不遵諭經該文武屢請設法查辦以安邊民前來臣等再四籌商雖瞻對隸藏管轄邊衅固不可開而土司原係內屬乃敢以附從瞻對挾制滋事未可姑息養奸現已先委候補知縣穆秉文前往妥爲開導一面添派候補知府羅以禮酌帶練勇一營繼進駐打箭鑪以待倘朱窩土司遵照開導悔悟帖服交出印信號紙聽候斷明自可結案如再聚眾抗玩似不能不用兵查辦以期懾服免致勾結瞻對爲患滋大又查松

潘所屬川甘交界之打拉罩子等溝賊番勾結口外包坐雙寨甲借等寨於上年十一月間大股出巢搶劫黑河溝居民牛馬銀錢衣物傷斃人命卽經該處分駐勇團聞信追捕該賊番輒敢抵敵拒斃勇團該勇丁等奮力攻擊始行敗退回巢查該處賊番近年迭次出巢搶劫均以未受大創以致兇餓日張地方屢受其害若不認真查辦益致忌憚毫無臣等接據松潘廳鎮稟報以該處地方與甘肅卓尼土司楊作霖地界毗連當經批飭該鎮廳酌派兵勇馳往查辦妥爲防範並咨陝甘督臣札飭土司楊作霖約期會辦相機兜捕詎楊作霖未

及會辦旋卽病故該賊番益復勾結上下鉄卜阿蝦等
番鴟張彌甚且現准陝甘督臣楊昌濬來咨亦以該番
等勾結爲患約期會辦如不大示懲創竊恐誘脅日甚
滋蔓難圖據松潘鎮總兵夏毓秀稟請酌帶兵勇三路
進兵相機撫辦一面開導附近各番毋得附和滋事等
情臣等查該鎮所籌尙合機宜當卽飭令妥慎辦理至
於瞻對本係川屬土司自改隸西藏之後川省卽無統
轄之權歷年恃其地廣人強蠶食土司部落並敢越界
與明正構兵以致附近土司畏其勢力亦陰附之此誠
邊境之大憂前經

奏明將瞻對僧俗番官一併撤參恭錄

諭旨咨藏遵辦駐藏大臣譯行商上乃竟依然迴護瞻對亦復抗玩不遵臣等迭奉

寄諭斷不敢輕開兵衅致釀邊患前已咨明駐藏大臣揀派能通番情之漢番各官臣等亦卽派知府羅以禮俟藏中委員到境同赴明瞻交界適中之地調集兩造妥爲開導秉公處斷但期瞻番不再抗違則此案尙可完結如其情形狂悖應如何妥辦之處屆時再當籌度策畫據實具陳請

旨遵辦臣等亦知時艱餉絀未可輕啟兵端而邊務關係匪

輕亦未敢因循玩誤惟有督飭各員妥慎辦理以期仰
副

聖主綏緝邊隅之至意除將辦理情形續行奏報並咨部查
照外謹會同合詞恭摺具陳伏乞

皇上聖鑒訓示謹

奏

易和

卷一

光緒二十二年四月十九日准

軍機大臣字寄

四川總督鹿傳霖光緒二十二年四月初四日奉

上諭鹿傳霖奏章谷朱窩土司構衅擾害不遵開導派員帶兵查辦一摺覽奏均悉朱窩土司原係內屬乃敢附從瞻對挾制滋事鹿傳霖已派知縣穆秉文前往妥爲開導並添派知府羅以禮酌帶勇營進駐打箭鑪以期懾服卽著照所擬辦理總須該土司悔悟帖服遵斷了結方爲妥善其瞻對番官越界與明正土司構兵一事並著羅以禮會同駐藏大臣所派委員同赴明瞻交界適中之地調集兩

道妥爲開導如再抗違應如何妥辦之處著該督審度機
宜奏明請旨至打拉罩子等溝賊番滋事並著該督妥慎
辦理將此諭令知之欽此遵

旨寄信前來

派營嚴防竄回並預籌收回贍對疏

奏爲添派營勇嚴防竄回并贍對情形預籌弭患緣由恭

摺密陳祈

聖鑒事竊

臣

准西甯辦事大臣奎順陝西撫

臣

魏光燾電稱

甘回敗竄青海柴達木地方北可竄新疆南可入川藏

北已有防恐或南竄請飭沿邊戒備并咨藏一體嚴防

等語查青海南界藏當經

臣

飛咨駐藏大臣奎煥訥欽

妥爲防範一面添調營勇前赴打箭鑪廳駐紮確探嚴

防以免竄越伏思回匪多恃馬隊川藏界內山徑陡險

非十分窮蹙不肯遽入絕地惟近年贍對番官日肆橫

三禾
三
暴侵凌各土司地界而土司等遇有爭襲尋衅之事往往附勢滋鬧西藏又值危急之秋若再勾結回匪竄擾爲患尤大所幸該番官苛虐異常土民怨憤已深時有內變此時駐重兵於打箭鑪既可防回兼以懾服各土司并可查看瞻對情形觀衅而動結納瞻對民使爲我用不惟目前瞻對易結且不難徐圖收回瞻對土地仍歸內屬然後川藏之界始能畫清一旦西藏有事四川尙有門戶可守此誠今日之急務也查瞻對原分設上中下三土司自土酋工布朗結父子叛亂多年屢勦未平

同治四年奉

旨川藏會勦川省派委道員史致康督兵至打箭鑪廳遷延不
進藏兵先捷攻克瞻對據有其地藉口耗費兵餉三十
萬索償如數始允交回土地維時川中藍逆等匪勢正
披猖帑項亦極支絀史致康遽請以其地賞歸西藏前
督臣駱秉璋據稟奏請

朝廷因念藏番有破賊之功且其時視川藏原屬一體遂降
旨將上中下瞻對賞給達賴喇嘛派番官管理此瞻對撥歸藏
轄之原委也自番官管理以來虐政橫徵瞻民不堪荼
毒數年必一內鬪上年瞻番與明正土司互鬪時值幫
辦大臣訥欽過境該番官旋即退兵初謂其尙知畏懼

迨後確探始知實因瞻民又復內叛故撤兵回顧巢穴
及駐藏大臣奎煥奏參革換而該番官竟敢抗玩不遵
其恃強藐法已可概見且查瞻對距藏甚遠插入內屬
土司之中本係川境內地一旦棄歸藏中值此時艱設
西藏有事瞻對之地不問而卽屬他人川省且無門戶
可守危亡可立而待此臣查悉情形日夜兢兢不能不
及早圖維預籌布置以弭後患者也刻下乘嚴防回竄
之便添募得力營勇馳赴打箭鑪駐紮揀派明慎通達
之大員前往不動聲色相機妥辦不至激生事端如瞻
對再有內叛之事卽可乘機進撫土民收回該地以理

折服番藏再略加以賞需彼亦無詞則瞻地仍爲我有
庶得布置籌防以固疆圉仰仗

皇上威福事機湊手則不獨川省之幸實大局之幸也所有
添派營勇嚴防竄回并預籌弭患緣由謹繕摺密陳是
否有當伏乞

皇上聖鑒訓示謹

奏

多和

卷一

三

瞻對番官帶兵越境侵擾派兵籌辦疏

奏爲瞻對番官現復帶兵出巢越界侵擾不服開導及擬辦情形摺仰祈

聖鑒事竊臣承准軍機大臣字寄光緒二十二年四月十九

日奉

上諭鹿傳霖奏添派營勇嚴防竄回並預籌辦理瞻對情形一摺覽奏均悉瞻對本係川屬近來該番官與明正土司互鬪恃強藐法自應及早圖維預籌布置著卽乘嚴防竄回之便揀派明幹大員添募得力營勇馳赴打箭鑪駐紮不動聲色相機妥辦如瞻對有機可乘卽行進撫土民收

回該地以固川省門戶總期辦理得人務令藏番心折毋
至激生事端是爲至要將此諭令知之欽此遵

旨寄信前來遵查 臣前將瞻對番官恣橫情形并派委提督

周萬順統帶防勇四營進駐打箭鑪廳藉防甘回兼以

鎮懾該番並因朱窩章谷兩土司之案派委候補知府

羅以禮知縣穆秉文先後帶勇前往相機查辦均經陳

奏在案乃穆秉文羅以禮先後行抵鑪城先派差弁前往

開導朱窩章谷兩土司不准勾結瞻番聽候剖斷該差

弁行至中途卽聞瞻番已發傳牌聲言帶兵前來斷案

迨該差弁與角洛汛把總盧鳴揚行抵章谷瞻番前站

十餘人先期已到隨有贍番仔仲則忠札霸噶德等率領馬隊百餘人直抵章谷脅傳大小頭人勒令出具投贍字據並欲調集兩土司判案該頭人等諉以向眾商議爲詞未經出給字據穆秉文聞信隨卽星馳出關前往開導乃該贍番狡稱朱章土司應歸伊管理並陸續添兵數百名勢將抗拒此贍番帶兵越界侵擾不服開導之大概情形也伏查贍對番官驕橫積久頻年屢次糾眾恐嚇川屬附近土司藉端干預經前督臣劉秉璋暨臣迭次咨請駐藏大臣譯行商上乃一味庇縱並不約束以致該贍番心有所恃愈無忌憚上年與明正土

司越界構兵經臣與奎煥先後奏請將駐贍僧俗番官
撤參欽奉

諭旨當卽恭錄咨明藏中譯行遵照乃並不遵照撤換且爲
之曉曉置辯以致該贍番益復不知斂跡輒敢帶兵越
界滋事干預章谷土司案件勒令書立投贍字據迨經
委員前往切實開導仍敢玩不遵從添兵抗拒是該革
番官旣經抗

旨於前復敢肆擾於後藐玩梗頑形同叛逆若再不示以兵
威稍加懲創不特該革番官無所畏懼難期懾服且恐
川屬土司畏其強橫以漢官不能保護勢將紛紛依附

該番邊事將不可收拾臣前奏尙欲設法徐圖今則實逼處此不能不懾以軍威然猶未敢遽行用兵現已批令羅以禮迅速輕騎出關親往開導曉以利害禍福臣已一面咨明訥欽轉飭商上如其稍知悔禍歛兵回巢尙可從寬免其剿辦倘竟執迷不悟勢不得不聲罪致討臣惟有持重以圖先飭羅以禮添調漢土官兵厚集兵力並催令周萬順帶隊趨程前進會商妥辦奉詞伐罪仍再咨明藏中責以既不遵

旨撤換復不派員會辦該革番官竟敢越境滋事致干天討該藏番自取咎戾亦無可藉口狡辯也除俟羅以禮親

往開導稟覆到日再行陳奏外所有瞻番帶兵越界侵擾不服開導及現籌辦理緣由理合會同恭摺具陳是
否有當伏乞

皇上聖鑒訓示謹

奏

查明藏廓尙無構兵情事疏

奏爲遵

旨確查廓藏現在尙無失和構兵事暨辦理情形恭摺密陳

仰祈

聖鑒事竊

臣

前奉電寄

諭旨以廓爾喀與西藏失和意欲決戰飭

臣

派員馳往設法

解散勿令起事等因欽此遵卽飛咨駐藏幫辦大臣訥欽

查探起衅情形並飛札署後藏都司耿紹宗確探稟報

一面揀派分省補用知府李毓森航海取道印度前往

廓藏查探確實設法解散之後就近隨同訥欽辦理印

藏劃界事宜當經陳

奏在案茲准訥欽查明咨稱確查廓藏現在別無衅端惟唐廓界務兩處前均勘定有案近年廓夷邊民運米因與藏番掉換食鹽爭價不一輒以碑界舊址不符互相爭論稟請委員查辦上年五月經奎煥奏委署後藏都司耿紹宗率領番官前往該處會同廓目勘辦嗣據耿紹宗稟稱查勘聶拉木屬之漳木有新舊鐵鎖橋二處番官以舊橋爲界執有咸豐三年字據爲憑而廓目則以新橋爲分界之區互相爭執日久未結正催辦間旋於三月初旬接到廓爾喀王來稟據稱經在邊噶業將

番官所執咸豐三年斷牌抄來查驗屬實漳木界址情願遵依惟絨轄所屬熱隆地方係乾隆年間所立界碑今被藏番將界碑遷移業隆相距二三百里之遠懇請轉飭唐古忒將碑仍行遷還原處已飭駐藏噶扒丹赴轅求爲作主等情訥欽傳詢噶扒丹據稟如前且稱有碑記可証隨札委後藏糧務候補知縣胡用霖傳集噶布倫等詳查商上舊卷有何實據呈出剖斷並詳加開導不可因此失和滋事刻尙未據稟覆將來如查有實據再行派員會勘方能折服至於失和決戰現查並無其事然廓悍藏愚將來以界務爲詞亦難保無構衅與

兵之事至英俄有無暗中主使以目下情形而論尙無確據惟人言嘖嘖恐非無因已將詳細情形具

奏并抄送廓爾喀王原稟呈送軍機處查核等因咨覆前來旋據署後藏都司耿紹宗查探稟覆所陳廓藏界務兩事亦與訥欽來咨情形大致相同惟稱上年秋冬之間廓爾喀國內曾有派兵五六千赴藏之謠近邊地方人心惶惑有遷避者經該都司再三開導彈壓始定現在漳木邊界之案已結訪查實無失和構兵之事至廓爾喀實因米鹽互換爭論多寡各執一詞而以界務爲名若米鹽通商議定卽絨轄界務似亦易結該都司已將

詳細情形就近稟明訥欽派委後藏糧員候補知縣胡用霖妥爲查辦等情據此臣查廓藏失和構兵之說訥欽近在咫尺旣查無其事自屬可信惟此語旣出自英人之口其中恐別有詭謀未便稍涉大意且印藏勘界久已遲逾印茶行藏轉瞬卽屆昨接訥欽來函並照抄藏番公稟仍復執迷不悟始終抗違近且密募纏回數十人運來機器鐵筒製造槍礮意圖禦英似此愚梗情形聞之實深焦灼查川省委員李毓森已抵上海不日出洋臣趕將現在查覆情形密電飭知仍令趲程前往於抵印度時不露聲色密爲察探如無須赴廓卽入藏

隨同訥欽勸導藏番商酌勘界事宜相機妥辦現在新任駐藏辦事大臣文海業已行抵川省臣當將藏事一切情形詳細告知與之逐細商酌妥籌以期仰副

聖主綏輯邊疆消患未萌之至意其廓爾喀王原稟及藏番公稟已准訥欽咨稱一併照抄咨送軍機處及總理衙門查核自毋庸再行抄送所有查明廓藏現在尙無失和構兵情事暨辦理情形謹恭摺密陳伏乞

皇上聖鑒訓示謹

奏

查辦章朱添派土兵請將支發行糧作正開銷片

再瞻對番官糾眾越境滋擾盤踞章谷土司官寨前經

臣將籌辦情形奏明在案茲據籌餉局司道詳稱昨據

派明瞻朱章夷案候補知府羅以禮稟報先派知縣穆

秉文隨帶差弁二名漢土兵各十名前往開導而瞻番

仔仲已先到盤踞羅以禮卽督率勇營復札飭明正土

司派土兵二百名并由阜和協副將陳均山添派都司

劉炳勳管帶本營兵丁一百名會同起程於四月二十

五日出關馳往查辦探聞該番又添調番兵意圖抗拒

查霍爾本係五土司今朱窩土司因爭襲之案已投附

三
一
三
瞻番章谷土司正在爲其所脅依違兩可我軍單薄後
派之營趕到需時竊恐各土司皆爲所脅更難措手當
令把總盧鳴揚暗調麻書孔撒白利三土司各派土兵
五百名自備鎗械飭令分紮各要隘給予行糧聽候調
遣以收其心令之助力官兵免爲瞻番所脅所有支給
土兵行糧應請作正報銷等情所有添調漢土官兵名
數及支發行糧緣由詳請

奏咨前來臣覆查無異除咨部外理合附片具陳伏乞

聖鑒謹

奏

光緒二十二年七月初八日准

軍機大臣字寄 四川總督鹿傳霖光緒二十二年六月二十二日奉

上諭鹿傳霖奏瞻對番官不服開導現添派營勇土兵分紮要隘等語該番意圖抗拒難保不啟兵端如果各土司皆爲所脅辦理更形棘手並著該督嚴飭羅以禮等嚴加防範妥爲辦理所有支給各土兵行糧准其作正開銷將此由四百里諭令知之欽此遵

旨寄信前來

11

111

瞻番稱兵抗拒擊退現籌進剿疏

奏爲瞻番先開兵端朱窩助逆迭次攻擊敗退現籌進剿情形恭摺仰祈

聖鑒事竊瞻番糾眾出巢盤踞章谷勒令土司投彼不服開導添兵抗拒經臣飛飭督辦夷務知府羅以禮酌帶兵勇馳往再行開導如再抗違不能不示以兵威一面飭催周萬順迅統各營馳赴打箭鑪駐紮以爲聲援并添調漢土官兵籌辦各情先後

奏明在案臣卷查光緒十五年瞻對番官青饒策披異常暴虐激變瞻民羣起叛藏驅逐番官願仍歸川屬准駐

藏大臣長庚咨川委員查辦彼時若乘勢將瞻地收回
勢順而易藏中亦無可置詞乃當日計不出此僅將番
官正法仍由藏另換番官且更添一堪布卽今日滋事
革撤不遵之對堆奪吉及夷喜吐布丹也又復增派藏
兵八百名從此愈肆兇橫瞻民益遭塗炭敢怒而不敢
言積怨蓄憤蓋已久矣臣查悉情形因密飭羅以禮周
萬順設法多覓間諜持示前往曉諭以離瞻民之心而
收其內亂之效茲據羅以禮先後稟報酌帶長勝右營
勇丁兩哨督同阜和營都司劉炳勳帶營兵百名明正
土兵二百名先行馳往章谷飭長勝右營參將李飛龍

催調糧運全營駐紮道塢以顧後路羅以禮行抵章谷
駐紮舊寨與該番所踞新寨僅一矢之遙當派把總盧
鳴揚親往開導該番仍敢玩愒相持添派番兵防衛約
有千數百人於寨牆徧開礮眼并有朱窩土司及喇嘛
寺從逆之人相助情殊叵測羅以禮當卽催調李飛龍
全營并就近飭調麻書孔撒白利三土司各派士兵五
百名酌發口糧銀兩隨同官軍來章防剿至五月二十
三二十五等日李飛龍及各土兵先後馳抵章谷二十
六日晨起李飛龍令營勇十二人前往河溝取水就近
在舊寨左邊察看地勢意欲分駐詎附近民房藏有贍

三才
三三
番三十餘人齊出爭鬪仔仲所踞新寨近接民房乃竟
號召番兵由新寨鎗眼施放鎗礮以暗擊明連聲不絕
長勝右營勇丁未及防備當被轟斃二名受傷八名羅
以禮等見兵端已開其曲在彼且軍心忿不可遏亦卽
督飭我軍率同麻書明正土兵放鎗抵禦連傷瞻番六
名其時然馬公山梁住紮之番部牛厰娃亦率馬隊數
十名接應瞻番向前助逆幸我軍前哨勇隊駐紮老河
口聞警應援左哨弁兵并白利土兵亦各奮力堵截當
時鎗傷瞻番四人生擒兩人並割取首級兩顆奪馬二
匹番眾馬隊紛紛敗散我軍勇力太單亦卽收隊自固

午後仔仲新寨與毗連之朱窩逆寨復用鎗礮向舊寨環擊彈密如雨徹夜不息羅以禮等所居寨樓窗壁均爲摧破彈子直落臥榻前我軍多方避禦僅傷斃勇丁一名羅以禮一面飛調周萬順提督全軍迅速馳援二十七日早瞻番馬隊三百餘人自右山凹馳突而前意在撲我右哨營房羅以禮等分督孔撒麻書白利土兵馬隊上前迎敵並令前哨營勇由老河口出隊截其歸路前後夾擊鎗礮齊施漢土各兵無不奮勇爭先瞻番多受鎗傷力不能支向山後敗竄而去適有章谷喇嘛寺僧眾素與瞻番勾結見其敗竄輒率黨眾數百人由

山梁而下施放排鎗爲瞻番接應我軍詰其不應助逆
該喇嘛藉口昨日前哨鎗斃喇嘛二名係其寺僧稱欲
報復嗣見我軍得勝始行潛退是日午刻山後擦窪地
方復有朱窩從逆馬隊百餘人前來搗戰羅以禮卽與
李飛龍劉炳勳各帶兵勇分督孔撒麻書白利頭人帶
領馬隊分路堵剿當卽擊傷數人逆眾敗去紛紛落馬
逃入附近礮卡躲避我軍奪獲戰馬六十六匹當賞給
出力土兵均各歡欣鼓舞羅以禮等因念所住舊寨近
接朱瞻逆巢若不設法攻克斷難安枕且慮爲其所乘
隨親督弁勇由舊寨連放劈山大礮轟破瞻番分紮對

面水寨傷斃番賊多名餘均四散逃去又用鎗礮擊破右山朱窩逆寨頭層牆窗數處傷斃逆眾甚多該逆防禦尙嚴未能得手是夜二鼓密遣孔撒麻書白利頭人暗帶土兵潛出寨後復將瞻番分紮民碉二座放火焚燒番眾驚潰朱窩逆眾亦于是夜將章谷後山民房燒燬二所并施放鎗礮擊我舊寨傷斃放礮麻書土兵一名我軍亦放鎗回擊傷斃朱逆寨內賊番二名此瞻番狙擊我軍先開兵釁并朱窩土司章谷喇嘛助逆我軍連日攻剿獲勝固守舊寨之實在情形也二十九日瞻番堅守不出我軍亦稍事休息彼此均于寨內施放鎗

礮轟斃朱逆數人我軍亦傷明正土兵一人三十日瞻
番新添馬隊二百餘人高踞山巔俯視舊寨勢欲猛撲
羅以禮劉炳勳等密飭麻書汎弁劉煥章角洛汎弁盧
鳴揚分督麻書孔撒土兵一由山前要路直上堵截一
由山後繞出斷其後路瞻番分兵抗拒羅以禮復添派
漢土兵勇分道應援合力攻剿接戰時許盧鳴揚親放
洋鎗各軍亦鎗礮齊施奮勇猛進傷斃瞻逆多人逆眾
潰敗適值雨大風烈收隊回營羅以禮等探聞瞻民連
年被番官苛虐均已離心思欲內屬此次除藏中番兵
數百外所帶瞻兵多由威逼而來機有可乘因卽遵臣

前諭揀派親信職員羅堉等密購間諜混入瞻番賊巢親往切實開導以覘民心之向背并傳齊各土兵頭人示以重賞飭令整齊隊伍多帶鎗礮定於夜間襲取朱瞻逆巢期於一鼓而克是日午刻據土兵報稱朱窩馬隊昨藏擦窪未去意在牽制我軍伺隙竊發必須先爲驅逐以除肘腋之患羅以禮等隨派員弁督率漢土兵勇馳赴擦窪朱逆據險憑高拚死拒戰我軍鼓勇而前有進無退相持一時之久朱逆力不能支紛紛敗竄傷斃數逆生擒一人奪獲青棵十數袋我軍亦被鎗斃麻書土兵一名鎗傷衛勇二名遂將擦窪逆寨焚燬整隊

而還羅以禮等以關外險遠糧運甚難現糧僅敷數日
遲則饑潰堪虞而贍番朱窩分紮各寨甚爲堅固非用
火攻難期遽破而四面分紮小寨勢同犄角又非先克
小寨難期得手是夜二鼓天氣陰霾當飭穆秉文密派
衛隊勇丁并麻書孔撒士兵多帶火種分路潛往將番
逆分紮右後前三處寨礮同時舉火焚燒喊聲震天逆
眾不知我軍虛實驚潰逃散適派往之間諜羅堵等亦
皆帶同麻書孔撒頭人次日工巴等陸續回營均稱贍
兵本已離心今聞開導無不感泣本欲縛獻仔仲無如
其父兄弟均被拘繫恐遭族滅懇稍寬假若大兵直

搃瞻巢該民等必爲內應願爲

聖朝良民而章谷大頭人旋巴尙噶饒登生珠達吉亦願具
結隨同大兵進瞻先驅招徠羅以禮等復會商熟計我
軍兵單糧絀勢難持久瞻民旣已輸誠事機宜速遂與
李飛龍劉炳勳等於三更後調集勇隊土兵多方激勵
密授機宜奮勇向前先攻朱窩逆寨乃該寨與瞻番新
寨均環施鎗礮彈子如雨我軍鏖戰不退肉薄而登立
時攻破朱窩逆寨衆向山後逃竄時已五鼓復督兵勇
分攻新寨逆番仔仲見朱窩逆寨已破知勢不支心無
鬪志黎明時率衆奪路出寨豕突狼奔亦向山後遁逸

兩寨先後攻克番眾自相蹈躑及被轟被焚死者不計其數我軍自辰至午窮追亂山之中人馬困乏該處林深箐密恐有埋伏當卽收隊駐兵搜捕餘匪將新舊兩寨附近番逆悉數驅逐一面安撫連日受害良番復業安居此又連日攻剿出奇制勝連破逆寨瞻番朱窩敗潰逃竄之實在情形也臣等迭據羅以禮等稟報各情當以各寨攻克瞻番遁逃軍事雖轉危爲安而瞻逆仔仲則忠札霸乘間遁去前已參革之番官對堆奪吉夷喜吐布丹尙據瞻對老巢均屬罪大惡極必須聲罪致討且瞻民久苦苛虐情殷效順亦應速爲拯救其朱窩

土司甘心從逆章谷喇嘛寺僧眾通匪助勢均難寬縱
現檄催提督周萬順統領防邊各營迅速前進相機分
別剿辦已據報於六月初八日出關因慮兵力尙單復
添調兩營陸續前進并調裡塘明正各土司土兵聽候
調遣以爲後繼飭令周萬順與羅以禮會商定議妥籌
進兵直擣瞻巢現仍密購間諜開導瞻民若能得手細
獻番官逆首三人即可兵不血刃收回瞻地改設漢官
管理收歸內屬仰託

皇上威福則邊民獲安疆圉可固以後一切事宜均可次第
圖維實爲大幸至章谷朱窩之案仍勒令朱窩交出從

逆助戰之人尙能畏威懾服尙可寬其既往由羅以禮等駐守章谷究明擇尤嚴辦以儆其餘仍調集兩造追取朱窩奪去章谷印信號紙秉公剖斷倘敢仍前抗玩亦由羅以禮分兵剿辦攻取朱窩改土歸流其喇嘛寺僧眾亦勒令交出助逆之人懲辦以昭炯戒臣等惟有督飭周萬順羅以禮等審慎從事斷不敢稍涉輕率致有貽誤蓋事機所值兵衅已開不得不大張撻伐爲一勞永逸之計臣等一面咨明駐藏幫辦大臣訥欽譯行商上詳敘瞻番不遵開導抗拒梗頑狙擊我軍先開兵釁情形責以不得能約束曲庇瞻番之咎以致積禍稔

惡上干

天討師直爲壯該藏番當無可置喙也伏查關外用兵艱苦
十倍內地道路非常荒僻糧運尤艱難萬狀我軍戰勝
則番部土司無不懾服皆爲我用稍有挫失則羣起而
與我爲難事將不可收拾此次羅以禮等率領偏師深
入重地未敢輕動尙冀再三開導曲示包容不意逆番
驕橫狙擊我軍先開兵衅朱窩從逆喇嘛助戰其時周
提督萬順所統防邊各營因籌備糧運尙未出關救援
不及我軍所駐之地四面逼近逆巢鎗礮環施萬難駐
足瞻番恃其地險碣固冀老我師又復時添馬隊憑高

窺伺乘我之隙且我軍兵單糧絀飢潰堪虞稍有動搖
邊事將不堪設想羅以禮堅忍不撓從容禦敵出奇制
勝迭克堅巢以孤立無助之軍當四面梟張之眾卒使
朱窩破走瞻番遁逃轉危爲安厥功甚偉候補知府羅
以禮膽識深穩調度有方請免補知府以道員仍留四
川儘先補用併

賞加按察使銜署阜和左營都司留川儘先遊擊劉炳勳出
奇制勝謀勇兼優請免補遊擊以參將留川儘先補用
並

賞加副將銜管帶長勝右營副將銜儘先補用參將李飛龍

奮勇出力請免補參將以副將仍留川補用直隸州用
四川候補知縣穆秉文請

賞加四品銜鹽大使職銜羅培請以鹽大使留川補用阜和
左營右哨千總雲騎尉世職劉煥章請免補守備以都
司留川儘先補用並

賞戴花翎署阜和左營角洛汛把總右營外委盧鳴揚請免
補把總以千總儘先補用並

賞戴藍翎長勝右營前哨千總李厚寶請免補千總以守備
留川儘先補用並

賞戴藍翎以上各員皆身親行陣奮勇立功實屬異常出力

相應仰懇

天恩俯如所請敕部核准以勵軍心而作士氣其餘在事出力人員與土司頭人等及傷亡各兵勇容臣查明再行開單分別

奏請獎卹恭候

恩施此後軍情俟提督周萬順馳赴前敵與羅以禮會商籌辦稟報至日續行

奏報除飭取各員履歷咨部查照外所有瞻番先開兵燹朱窩助逆疊次攻剿擊退獲勝現籌進兵及懇請獎勵出力人員各緣由是否有當謹會同合詞恭摺由驛馳

陳伏乞

皇上聖鑒訓示謹

奏

遵飭嚴防瞻番侵越并教民不致勾結爲患片

再臣正繕摺間承准軍機大臣字寄光緒二十二年六

月初六日奉

上諭鹿傳霖奏瞻對番官現復帶兵出巢越界侵擾不服開
導及擬辦情形一摺瞻對番官上年與明正土司越界構
兵經鹿傳霖等將駐瞻僧俗番官先後撤參均經降旨允
准乃該革番官並不遵照撤換近復帶兵越界滋事干預
章谷土司案件勒令書立投瞻字樣迨令委員前往切實
開導仍敢玩不遵從添兵抗拒藐玩梗頑形同叛逆自應
懾以兵威著鹿傳霖卽飭羅以禮出關再行開導曉以利

害一面咨明訥欽轉飭商上如其稍知悔禍領兵同巢准從寬免其剿辦倘仍執迷不悟卽著厚集兵力妥籌進剿惟打箭鑪與滇邊相通該處教民雜處尤恐勾結爲患該督務當穩慎以圖不可任其越界侵擾亦不可因此激成邊衅是爲至要另摺奏委員李毓森俟抵印度時密爲偵探等語與前寄電論適相脗合卽著照所議辦理將此由四百里諭令知之欽此遵

旨寄信前來伏查瞻番積玩已久瞻民受害已深度勢審時亟宜復我疆圉以固門戶此次番官仔仲則忠札霸又復帶兵出巢盤踞章谷情形極爲狂悖臣派委候補知

府羅以禮帶勇出關親往問導彈壓尙冀略示兵威俾知斂跡再作徐圖乃該番公然藐抗並敢乘我不備鎗斃勇丁二名受傷八名兵衅已開不得不認真剿辦所有剿辦獲勝及籌辦情形臣已另摺

奏報至打箭鑪距滇邊尙遠本處教民無多該教民與番眾氣類迥殊平日卽有格格不入之勢卽瞻對地方距打箭鑪亦尙七八百里似尙不至勾結爲患臣仍不敢稍事疏忽現已嚴飭前敵將領及打箭鑪文武各員妥爲嚴防毋任越界侵擾勾結爲患以仰副

聖主軫念邊陲思患預防之至意謹附片具陳伏乞

聖鑒訓示謹

奏

光緒二十二年七月二十八日准

軍機大臣字寄

四川總督鹿傳霖光緒二十二年七月十五日奉

上諭鹿傳霖奏瞻番先開兵端朱窩助逆疊次攻擊敗退現
籌進剿情形一摺覽奏均悉瞻番既疊經開導抗不遵從
並有朱窩土司及喇嘛寺從逆之人相助竟敢開槍轟擊
官兵鬣端已開自非大加撻伐不可業經知府羅以禮督
飭兵勇將朱窩逆寨瞻番新寨攻破惟瞻逆仔仲則忠札
霸乘間逃遁助逆番官尙據瞻對老巢鹿傳霖務當督飭
羅以禮會同提督周萬順等迅速率隊前進妥籌進剿並

調裏塘明正各土司聽候調遣以爲後繼一面咨明訥欽
譯行商上責以曲庇瞻番之咎仍密購閒諜開導瞻民如
能細獻首逆兵不血刃是爲上策惟是事機所值難以逆
料務當計出萬全斷不可稍涉輕率所有此次出力之知
府羅以禮等著先行存記俟番案辦理完竣後再降諭旨
另片奏教民不至勾結爲患等語仍著妥爲防範毋任越
界侵擾將此由五百里諭令知之欽此遵

旨寄信前來

會籌保川圖藏並議復吳光奎疏

奏爲遵

旨會商籌議保川圖藏情形恭摺密陳仰祈

聖鑒事竊

臣

等承准軍機大臣字寄光緒二十二年六月初

九日接奉

上諭文海奏到川日期並籌商藏事情形一摺據稱藏番現在情形非懾以兵威於事無濟擬招勇五百名帶領進藏以壯聲威著照所請並著迅速前往毋稍遲延所需餉銀每月二千兩卽著鹿傳霖按月籌給本日又據給事中吳光奎奏藏事孔棘宜籌備禦一摺裏塘巴塘一帶爲四川

入藏門戶該給事中請於該處設立漢官假以事權招徠
川省商民前往墾荒並採辦礦產各節係爲預杜窺伺起
見著鹿傳霖確查裏塘巴塘一帶情形如能招徠商民墾
荒開礦洵於時局有益並著文海訥欽會商妥辦片片奏
開辦藏務請於邊防經費等項內每年劃銀二三十萬應
用等語各項協餉均關緊要川省有無別款可撥著鹿傳
霖妥爲籌議至所稱調安定勇五營移劄雪山一帶是否
可行並著該督等酌奪辦理吳光奎摺片各一件均著鈔
給閱看將此由五百里各諭令知之欽此欽遵除撥款募

勇刻期入藏由臣文海馳奏外伏查西藏久隸版圖遠

控藩部近障川疆形勢最關緊要近年英俄交相窺伺情形岌岌可危而藏番賦性愚頑罔知時務畫界行茶不遵開導加以達賴用事羣小煽惑頑梗尤甚臣傳霖
上年奉

命來川查知藏事敗壞時切隱憂曾具摺密陳復請接展電線謀收贍對以爲防患固圉之圖正與吳光奎所奏用意相同特該給事中所請於裏塘巴塘酌設漢官招徠商民墾荒開礦并於雪山分駐防營各節似多窒礙難行者臣等公同細酌博訪周諮謹爲我

皇上縷晰陳之查巴塘裏塘各土司皆原有糧員營弁管轄

鎮撫今再設漢官勢必改土歸流而後可惟各土司世守之地非其十分苛虐土民怨憤急思內附斷難無故更張致令羣相驚疑輾轉勾結反開邊衅雖近年各土司弱肉強食不無蠻觸相爭之事然必其有罪可討有隙可乘然後懾以兵威如目前之瞻對朱窩敢於叛亂則徑可改流此外各土司殊難概論況其地皆土番雜處絕無漢民又素崇信佛教喇嘛寺院林立雖均不安本分而土民甘受其盤剝亦不敢怨根深蒂固既不能革除又不易化導種種情形則酌設漢官尙待妥籌也又查裏塘一帶跬步皆山地氣寒冷五穀不生僅產青

裸土民資以爲食惟巴塘附近數十里地勢平衍天氣
清和亦有種五穀者細訪熟習藏路之茶商及久戍之
老兵僉謂僅巴塘一區在兩山之間地氣較煖可種五
穀餘地實難種植并非地果可耕而土民不知樹藝也
五穀旣不能生何能招民墾種此開墾之難也至於五
金礦產傳聞關外各土司地方所在多有而土番性情
蠢愚每護惜之以爲寶山決不許人開采卽內地土司
及四廳夷支凡產礦之區其性大抵相同昨因開辦打
箭鑪礦廠幾至滋事迨再三開導明正土司始勉允具
結試辦半年內地且如此費手況關外之民頑梗尤甚

此開礦之難也至於調勇駐紮雪山尤有難焉者查入藏之路自出關至折多山以西崇山峻嶺異常高寒積雪長年不銷之山甚多土人皆謂之雪山於此而欲修治道路設立村店艱險萬分難施工作而勇丁之僵凍糧運之勞費徒苦士卒耗帑餉難有濟也原奏又慮英人利誘諸夷直來巴塘裏塘求請口岸恐許拒兩難欲早爲經營以期保藏且謂外國各島一經豎旂他國卽不過問誠如所言則巴裏兩塘固明明中國之地各國皆知較豎旂者爲尤確英人果遵公法自不能無端占踞如其肆意侵凌我卽極力經營又何能禁彼之不來

且內地尙請通商何有於邊外是亦未足以杜英人之
窺伺也原奏又稱英人占踞樹漿廠在雲南西北境與
藏地相接物產之饒每歲權稅十萬等語詳查博訪不
知其地惟查有阿薩密一區本屬野番之地英人近年
收服番眾闢地種茶頗稱繁殖其地狹而長緜亘數千
里西近獨脊嶺東抵雲南維西廳界南近雲南野人山
北則遙對江卡惟隔狢猱雜猱諸野夷該給事中所云
或卽指此考江卡在巴塘以西察木多以東英人若於
彼地逐漸誘脅野夷以窺江卡等處不惟藏地堪虞卽
滇南亦屬可慮臣等惟有隨時設法圖維嚴防後患不

敢少涉疎忽再通藏別有一途由德爾格忒土司轄境直達察木多較大路頗爲捷近一俟打箭鑪電線工竣接展入藏應由此路施工設法駕馭該土司當可遵辦其再由察木多至藏則該番有無阻撓尙難逆料方今藏事孔棘禍機已伏而藏番冥頑倔强預存一暗恃俄人之心益堅其嫉惡英人之志因而輕藐漢官違抗朝命殊不知俄遠而英近藏弱而英強設再肇衅端將俄人未至而藏已不支英之不遽取藏實忌俄之與爭恐兵

連禍結耳

臣

文海奉

命入藏當會同

臣

訥欽竭力設法再行詳加聞導示以

天威儻能漸就範圍尙可徐圖補救

臣

傳霖現仍督飭進攻

瞻巢期於必克仰賴

皇上威福得以收復三瞻卽當議設流官妥籌善後查瞻對

界在巴塘裏塘之間瞻地若歸內屬各土司亦必聞風

震懾再爲隨時酌量情形相機辦理以防邊患而固藩

籬

臣

文海卽於此次入藏之便沿途留心查看應如何

變通辦理以期預防外患之處再與

臣

傳霖

臣

訥欽會

同妥商籌辦以仰副

聖主綏靖邊陲之至意至該給事中所請撥甘肅新餉防邊

經費均係要款勢難挹注卽川省正值添撥巨款之際

亦實別無可籌關外既難於墾荒駐營自可無須巨款
統容臣傳霖隨時妥酌籌商分別

奏明辦理此摺係臣傳霖主稿合併聲明所有臣等會同
籌議保川圖藏緣由是否有當謹合詞恭摺密

奏伏乞

皇上聖鑒訓示謹

奏

光緒二十二年八月二十一日准

軍機大臣字寄

四川總督鹿傳霖駐藏辦事大臣文海光緒二十二年
八月初七日奉

上諭鹿傳霖等奏遵旨會商籌議保川圖藏情形一摺覽奏
均悉給事中吳光奎條陳各節既據鹿傳霖等查明事多
窒礙卽著毋庸置議惟現在藏事孔棘禍機已伏藏番冥
頑倔强隱有所恃致有輕藐抗拒情事鹿傳霖擬俟收復
三瞻後議設流官妥籌善後文海擬於入藏之便沿途察
看情形斟酌辦理所籌均尙周妥卽著該督等悉心籌畫

並查明由滇通藏道路斟酌妥辦總期自固藩籬消弭隱
患用副朝廷廬念邊陲至意將此由四百里各諭令知之
欽此遵

旨寄信前來

進剿瞻對迭克險隘籌攻瞻巢疏

奏為進剿瞻對迭克險隘現籌圍攻中瞻逆巢各情形恭摺仰祈

聖鑒事竊查瞻對逆番仔仲則忠札霸盤踞章谷先開兵衅並朱窩土司助逆經臣等派去之知府羅以禮督兵攻剿獲勝仔仲遁逃及續籌進兵情形業經馳

奏在案其時提督周萬順已統防邊各營於六月初八日由打箭鑪廳起程出關旋據稟報出關之後山路崎嶇瘴雨蠻烟荒涼萬狀師行所過終日絕無人迹沿途溪澗甚多均無橋梁軍士涉水而渡寒冷刺骨時當長夏

霜雪彌漫間有冰雹夜間設帳露宿士卒多染疾病又以運送軍裝需用烏拉時須催換以致軍行遲滯途中接據派往間諜探報已革瞻對番官對堆奪吉夷喜吐布丹僞稱瞻王並授仔仲則忠札霸爲僞元帥負嵎自固逆迹昭然偵知大軍出關卽將中瞻哨樓木寨十餘座處處設兵逆巢則盡用藏兵防衛不准瞻民近身並將瞻對得力頭目禁錮數人嚴防內變入瞻隘口均設重防并將雅龍江大橋折斷柯玉卡恩覺科均派仔仲率其悍黨扼紮以圖死拒該提督詳查地圖一日溝爲入瞻要道麥科地方爲三瞻咽喉由道塢以至然魯科

由章谷以至然馬公山兩處亦係入瞻要隘而三路均可至麥科其地均山深箐密險峻異常探聞該逆各路均已設防攻剿宜分三路進兵使其備多力分應接不暇較易得手查逆番于一日溝修築木城碉卡三座守禦甚嚴隨派副將李章管帶壽字副中營並都司曹懷甲管帶長勝中營合軍由一日溝進攻並派先已到章谷之參將李飛龍管帶長勝右營由章谷取道然馬公山進攻該提督自率新健營暗襲然魯科三路約期均抵麥科並分調明正麻書孔撒各土兵以爲三路鄉導一日溝一路於二十三日辰刻開隊各帶乾糧李章派

管帶榮蘭亭率左哨由左山梁進後哨由右山梁進李
章自率中右兩哨會同曹懷甲率中前左後四哨並明
正土兵馬隊由溝直入十五里至桑貓地方松林深處
李章等疑有伏兵用鎗轟擊果有馬步賊四五百人突
出接仗鏖戰數刻勢不能支且戰且退李章等揮兵追
剿轟斃步賊二十餘人馬賊五人戰馬十六匹割取首
級七顆餘賊受傷奔墜岩下者甚多我軍受傷十一名
乘勝直進又十五里抵柯玉卡逆番洽桑巴帶領藏兵
三百名督同瞻兵馬隊千人拒守巒石隘口雜以荆榛
內脩木城一座寨樓三層高約數丈環列鎗礮向外轟

擊我軍奮勇向前自午至申攻擊三時之久傷亡勇丁三十餘人城寨堅不可拔長勝中營文案張志騏在後督隊見勢不支揮刀立斷一勇衣袂示以退者必斬眾復穩紮猛攻仰視兩山壁立無路可通李章等急選奮勇數十名派令得力哨弁尋路攀藤而上路險幾不容趾軍士鼓勇猱升匍匐前進直抵逆寨後山用鎗下擊繼以礮石立斃番賊十餘名賊中潰亂李章等乘勢轟倒石壁所開荆棘叢擁而入賊眾乘馬奔逃我軍連環鎗擊當斃騎賊六名受傷者以百數十計轟倒戰馬二十餘匹獲馬一匹焚其寨卡一面跟追二十餘里至一

日溝章谷地方天晚收隊稍憇該處附近喇嘛寺贍僧七十五人來營請降當爲收撫詢知距此二十里恩覺科地方有烏魯木奶逆寨二座逆番肉本原帶藏贍馬隊一千五百人駐守加以柯玉卡敗回之賊不下二千餘人麴集一處李章曹懷甲會商以賊番敗潰之餘利于猛攻卽於夜半燃薪速進黎明行抵恩覺科賊已棄烏魯并屯木奶寨遙見山梁有賊百餘人憑高拒守李章等分兵五路直前仰攻先將山梁之賊轟斃多名餘眾潰散滾岩跌斃者不計其數遂奪山梁揮眾直抵寨前寨內鎗彈如雨我軍奮力攻擊傷亡勇丁二十餘名

時已將暮曹懷甲親放火彈打入逆寨燒賊十餘人李章復用噴筒燒燃木城賊眾由後挖開寨牆奪路狂奔自相踐踏號哭之聲山谷皆應我軍追殺一陣斬馘尤多奪獲番鎗十六桿刀十三把帳棚毡毯酥油糝粃無算追奔十餘里賊已遠颺卽在松林間露宿次日整隊進次麥科此壽字副中營進剿一日溝獲勝迭克險隘之實在情形也至長勝右營一軍先隨候補知府羅以禮在章谷擊走瞻酋仔仲因朱窩土司仍行抗匿已撥兩哨帶同土兵進剿朱窩嗣接周萬順札調三路進兵羅以禮卽派長勝右營幫帶馬驥帶領兩哨勇丁與試

用縣丞羅萬華督帶明正土兵由然馬公山前進行至
蒼龍溝地方突遇埋伏瞻兵馬步千餘人彼此相持馬
驥先遣明正土百戶雀珠前往開導繼令羅萬華宣布
告示曉以順逆瞻兵本已離心又懼兵威遂紛然散去
其駐守然馬公山梁番兵聞我軍業已入險又聞一日
溝之險已失亦均遁去馬驥等長驅直入提督周萬順
先於二十二日率新健營及明正土兵馬隊由道塢渡
河該處僅皮船四隻至二十四日全軍始渡畢直抵然
魯科沿途山勢險峻異常該逆設防山頂自恃地險不
虞我軍猝至又先將原防番兵三百名調援一日溝只

留夾科土千戶名獨敢者帶兵二百名防守獨敢聞我軍已至來營投誠當令隨營進奪險隘燒燬木卡并招降附近喇嘛寺院二座贍番三百餘人夾科土百姓百餘戶瓦述帳房百姓二百餘戶是夜師行三十里進次德卡適遇大雨將士皆露立林中衣裳盡濕饑寒交道二十六日黎明途中卽有中贍頭目十餘人來營具結投誠午後軍抵麥科仔仲已率悍黨遁去招降者復千餘家查知仔仲因聞各處險隘已失贍兵散去率悍黨十餘人逃回中贍老巢此又長勝右營分兵由然馬公山進剿及新健營由然魯科進剿飛渡天險收撫降眾

之實在情形也伏查一日溝蒼龍溝然魯科等處著名
天險昔年前督臣琦善等攻贍之役統率大兵進剿經
年勞師糜餉傷亡士卒迄未得手此次提督周萬順統
率僅止四營竟于數日之內迭克要隘直入險阻攻抵
麥科官民間之無不驚爲神奇刻已進逼中贍逆巢現
復調運開花礮到卽行進攻惟聞逆巢甚爲堅固中隔
雅龍江該逆折橋固守極爲嚴密但大軍已據其腹心
攻剿當易順手此皆仰賴我

皇上威福將士用命故能奏此奇勳臣等仍飭周萬順妥籌
圍攻並廣布示諭購覓間諜開導贍民同心向化如能

相機縛獻逆首更可不勞而獲飭令克寨之日嚴束弁
兵秋毫無犯以慰瞻民來蘇之望惟此次該將卒等於
蠻烟瘴雨之中誓死奮勇立破奇險要隘多處尤屬異
常出力自應隨摺保奏籲懇

恩施逾格

記名提督協勇巴圖魯周萬順驍勇沉毅調度有方擬請仍
交軍機處記名遇有提督缺出儘先題奏并

賞給三代一品封典總兵銜都隆阿巴圖魯儘先補用副將
李章冒險攻堅身先士卒請免補副將以總兵

記名簡放並加提督銜升用遊擊留川補用都司曹懷甲施

放火彈奮勇破寨請免補都司以遊擊仍留原省儘先
補用並加副將銜永甯營參將佟在棠道路險遠設法
轉運軍火糧餉不辭勞瘁請以副將用先換頂戴指分
湖北試用府經歷彭鴻年請免補本班以知縣仍留原
省儘先補用

賞加同知銜並戴花翎分省試用縣丞羅萬華請免補本班
以知縣分省補用並

賞加同知銜附生張志騏請以府經歷縣丞分省儘先補用
並

賞戴藍翎相應仰懇

天恩俯准照獎以勵戎行而作士氣其餘在事出力員弁勇
丁各土司頭人容俟查明彙列清單另案奏獎至進兵
攻剿中瞻情形俟周萬順稟報至日續行

奏報除飭取各員履歷清冊咨部查核外所有進剿瞻地
迭克險隘現籌進攻瞻巢緣由謹會同合詞恭摺由驛
馳陳伏乞

皇上聖鑒訓示謹

奏

孝和

卷中

三

攻克朱窩土寨片

再朱窩土司四郎多登久已暗投瞻對爲之爪牙前于
瞻番仔仲盤踞章谷抗拒官兵復敢添兵助逆已屬罪

大惡極

臣仰體

朝廷寬大之恩于仔仲敗遁之後仍飭羅以禮妥爲開導令
其交出助逆之人及奪去章谷印信號紙聽候斷案仍
可免其剿辦尙冀懾于兵威或知悔悟乃據羅以禮來
稟迭次派令把總盧鳴揚等親往開導該土司一味推
延仍前藐玩并于沿河各隘俱紮馬隊防範甚嚴不遵
開導又與麻書孔撒土兵尋鬪互有損傷孔撒麻書白

利三土司亦憤其背叛皆願各派得力土兵前往攻剿羅以禮以朱窩既不悔罪恐其於大軍進剿之際出擾章谷牽制我軍暗助瞻番因亦乘機分兵攻剿并以章谷喇嘛寺前爲瞻番助勢雖來營請罪仍未交出不法之人其心叵測不可不防正值大軍進攻瞻巢之時遂與參將李飛龍都司劉炳勳仍駐章谷防範後路當派候補知縣穆秉文千總劉煥章帶領長勝右營前後各半哨及其衛隊督同麻書孔撒白利三土司土兵四百餘名于二十一日由納林冲地方進剿並派章谷土兵一百五十名隨後應援二十二日穆秉文行抵拒納林

冲五里之定達地方見朱窩悍黨踞守寨內慮難攻克
因議分路進兵職員羅埴等帶隊繞過對河麻書土司
等分兵一由山後一由定達瓦廓奮勇齊進穆秉文親
率衛隊繼之鎗炮齊施夷眾不支爭開寨門循河浮渡
各向深林逃遁我軍督隊直前及抵納林冲朱逆不戰
而潰卽分隊追擊斃賊多名焚燬夷房七座奪獲牛羊
馬匹甚多旋據備卡更達各處暨朱窩頭人四郎仁青
率領土民三十八戶投誠當予取結收撫並將所得牛
羊馬匹賞還以安其心二十三日進兵馳抵更達地方
卽有更達頭人嘎達及朱窩沿河土民一百三十餘戶

亦均聞風歸降餘眾逃回朱窩逆寨負嵎死拒二十四日穆秉文遂督漢土兵勇進逼朱窩逆寨分兵扼要合圍先焚附近逆寨民房二十餘座直逼而前寨內鎗炮如雨且寨險牆堅猝難得手是夜復派土兵潛行放火焚其礮房寨內勢益窮蹙次早復督令兵勇奮力攻撲午間寨內老土婦遣人乞降當卽傳令緩攻該土婦親自來營叩求免死穆秉文面加申斥開導仍令呈繳印信號紙並細獻其子及助逆之人該土婦求回寨商議再來請罪穆秉文允之詎意其回寨之後延至二十六日僅肯繳出印信號紙不允縛獻土司及助逆之人仍

圖死拒穆秉文以其反覆倔强仍飭兵勇進攻遂將前寨門攻開一湧而進搜捕首逆乃該逆早已攜帶印信率其死黨擁護老土婦及其妻女折開後寨牆垣逃逸分路追捕未獲查有通東科土司小路恐其由此逃遁已稟由羅以禮飛飭東科爾及德爾格忒各土司如該逆匪竄入立即細獻不准容留此攻破朱窩土寨逆首遁逃之情形也臣等查朱窩土司甘心背叛自取滅亡其罪實無可道惟其圍困窮蹙之日老土婦已率頭人赴營請罪穆秉文應即將其拘留再行開導示以恩信該土司或可出而請罪則操縱在我易於了結乃一味

嚴責并縱令土婦回巢以致該土司及悍黨等畏罪遁
逃并章谷印信號紙仍被攜去藏匿渠魁未獲案仍難
結且既已合圍區區一土寨何以被其潛遁知縣穆秉
文辦理失宜實屬功不掩過臣等現仍責令上緊追捕
務獲以贖前愆嚴飭各土司不准容留并飭羅以禮等
就近料理善後事宜安撫降眾及被難居民詳查戶口
逆產造冊呈報候瞻對收復再行妥酌辦理所有攻破
朱窩土司逆寨逆首悍黨逃遁及妥籌善後緣由謹附
片具陳伏乞

聖鑒訓示謹 奏

光緒二十二年八月二十一日准

軍機大臣字寄

四川總督鹿傳霖光緒二十二年八月初八日奉

上諭鹿傳霖奏進剿瞻對迭克險隘情形一摺覽奏均悉已革瞻對番官對堆奪吉夷喜吐布丹等偵知大軍出關率其悍黨拒守一日溝等處負隅自固提督周萬順總統防邊各營三路進攻數日之間迭克要隘現已進逼中瞻逆巢辦理尙爲得手仍著該督飭令周萬順等嚴督隊伍將中瞻逆巢迅速攻克總期懾服軍威不敢再萌反側爲一勞永逸之計方爲妥善前據該督奏知府羅以禮等攻破

朱窩逆寨瞻對新寨請旨獎勵當諭令將羅以禮等先行存記此次所保出力各員仍著先行存記俟瞻對全境辦理完竣後一併降旨另片奏朱窩上司四郎多登經官軍攻破寨門攜帶章谷印信號紙潛逃等語知縣穆秉文於該寨老土婦來營乞降一味嚴責縱令回巢實屬辦理失宜著責令該知縣趕緊將四郎多登追捕務獲以贖前愆餘著照所議辦理將此由四百里諭令知之欽此遵旨寄信前來

統籌川藏情形瞻對亟宜收回改設流官疏

奏爲統籌川藏情形瞻對亟宜改設漢官以順民心而固邊圉恭摺密陳仰祈

聖鑒事竊

臣

恭奉電傳

諭旨鹿傳霖電悉瞻對用兵係暫時辦法事定之後應否仍設番官當再斟酌妥辦訥欽尙未奏到俟奏到當諭以從緩再辦不能因此嚴責喇嘛轉生他衅也藏事棘手該督等當通盤籌計切勿鹵莽並諭文海知之欽此跪誦之下仰見

聖主慎重邊陲之至意

臣

待罪川疆稔知藏事岌岌詳探熟

籌思爲安內防外之策曷敢鹵莽從事致肇衅端實以
瞻對爲川省藩籬其地本係川屬土司去藏遠而距川
近雜處各土司之中當年瞻酋叛亂川藏會剿藏兵先
克藉索兵費三十萬維時款項無出前督臣奏請賞給
達賴原一時權宜之計乃自派番官管理之後暴虐異
常瞻民不堪其苦光緒十五年羣起叛逐番官懇求內
附彼時又未乘勢收回仍由藏改派番官并添一堪布
番兵八百名以致愈肆強橫瞻民更遭荼毒而且威脅
各土司數年以來巴裏塘及霍爾瓦述等十餘土司皆
以川省威令不行相率依附瞻對該番日益驕恣直欲

各土司盡歸所轄故連年侵佔明正土地尋衅搆兵今更因朱窩章谷土司爭襲朱窩投之竟敢糾眾赴章谷勒令投彼不遵委員開導先開兵端此皆積久生玩之所致也臣前迭次陳奏業經詳細聲明先後奉

旨遵辦在案初意尙謂該番或可理諭先將土司襲案斷結再行設法招撫瞻民使之內亂而乘勢取回瞻地今天奪其魄該番竟敢抗拒官兵情同叛逆自應及時聲罪致討使瞻民早歸內屬固我疆圉此次大兵所至瞻民紛紛效順大有箠食壺漿以迎王師氣象卽各土司亦均震懾軍威各率土兵應調前來助剿及此天時民心

交順之會改設漢官妥爲撫綏內可以安各土司向化
之心外可以奪藏番藐抗之氣卽藏中一旦有事此地
已歸川屬亦有門戶可守況瞻對地素產金該番不知
開采惟勒令土民揀淘貢獻歲得之金已約值銀二萬
有餘除自供支外每歲輸之達賴者約銀萬餘兩我得
其地設法開采計足供改設官制一切經費不待另籌
且冀辦理豐旺可助餉需若失今不取而仍派番官不
惟自失地利莫固藩籬且使瞻民重遭塗炭各土司咸
懷異心甚非

皇上懷保小民慎固邊陲之至意此今日瞻對關繫甚重在

所必爭臣現復先後添派四營陸續前往應援期於必
克想負嵎小醜當可指日驅除至藏事之棘手實由達
賴之頑抗惟其有藐視漢宮背

朝廷之心故敢出此今收回瞻地以示薄懲或可稍知儆惕
且探聞達賴近日情形狂悖實有眾叛親離之勢班禪
既與之水火而乍了之呼圖克圖亦有怨言今復有察
木多呼圖克圖與其所轄喇嘛齟齬聚眾互鬪之事是
藏中之內亂已萌藏本我之屬地我若自行整頓使之
畏威聽命則界務或易了結外人自無辭干預若不使
之稍知畏懼致畫界始終梗阻英人必藉詞生事彼又

三才
卷一
三
將遠結俄人以爲援則藏之危亡可立而待藏亡若瞻
對屬藏亦卽與之俱亡而川省直無門戶可守其何能
支此臣所以日夜圖維而以早收瞻對爲固川之計卽
爲圖藏之機藏番之伎倆又值人心解體之時不奪瞻
對彼并不知恩卽奪瞻對彼亦不能抗論我之兵力禦
他人則不足制藏番則有餘且瞻對本係內屬藏番前
有功則賞之今有罪則奪之益足昭

朝廷賞罰之大公縱達賴饒舌亦不能大肆鴟張不足爲慮
似并可使知畏懼界務或尙易就範圍蓋畏威不懷德
是其本性今之愚頑抗執恐非一味勸導所能聽從也

臣與駐藏大臣文海再四籌商意見相同理合據實陳明籲懇

聖明獨斷

敕下駐藏大臣不准再派番官定於收回贍地改設流官以順民心安土司而固邊圉川省幸甚大局幸甚謹繕摺密陳伏乞

皇上聖鑒訓示謹

奏

奏稿

卷中

三

圍攻瞻巢迭次獲勝並續調營勇出關助剿疏

奏爲進兵圍攻中瞻番巢迭次接仗擊敗援賊及續調各營出關助剿情形恭摺仰祈

聖鑒事竊查提督周萬順統率各營進剿瞻對迭克險隘已

抵墨科進攻瞻巢情形業經

臣等會

奏在案自章谷擊走仔仲後瞻民陸續來投者已千餘家迨大軍已抵墨科三瞻百姓紛紛赴營投誠約五千餘家均各溫言安慰據稱其頭人多被番官禁錮寨中該處距中瞻老巢僅一日程該逆番聞大軍已至尙敢負隅抗拒絕無悔罪之心

臣

等當飭周萬順妥籌進兵以

期速克據周萬順先後稟報瞻巢之前有雅龍江一水相隔左路向有大橋早被折毀右路相距百里雅龍江上游有撥日橋一道未折可以進兵急于六月二十八日先派土司馬隊夤夜馳往搶護一面妥籌進攻之策嚴防竄逸之路隨分派三哨由右路渡橋在江登巴公地方扼紮復派兩哨由左路進直抵雅龍江岸屯紮多伐樹木預備修補大橋並紮木筏以便大軍全渡合圍又劄德爾格忒土司調集千人嚴防由上瞻對通藏之路并飭裏塘守備李朝福調集土兵由下瞻對取道擇要嚴防復派隨員把總馬紹麟帶勇四十名前往協同

李朝福防守又飭明正土百戶帶兵數十名督同已降之瞻民馬隊二百騎扼守麻惹地方以防各處總隘布置已定初二日新建營幫帶鄔明慶行抵撥日溝賊騎千餘突出正欲與明正馬隊接仗爭橋見我軍繼至狂奔而退鄔明慶隨督飭漢士兵勇跟追十五里直抵江登巴公以賊騎已遠暫行收隊駐守以待大軍周萬順將後路布置周妥卽率大軍由墨科右路前進初十日抵物喜地方僅隔逆巢三里見礮寨林立防守甚固十一日周萬順親率都司曹懷甲出隊行至里許賊寨先燃大炮我軍散開隊伍一鼓直前槍炮連環轟擊而寨

牆甚堅擊中僅落浮土自寅至午我軍堅立不退傷亡
勇丁四名轟斃悍賊十餘人帶傷者甚多周萬順卽于
前敵挖塹築壘飛傳各營漸次移軍合圍晝夜猛攻惟
老巢之左有大石礮一座地勢扼要最爲堅固十二日
周萬順督令用炮轟擊石礮打穿十餘眼礮內受傷者
數十人餘皆躲入地窖午後各軍復移近里許豎立木
城由新建長勝中兩營挑選奮勇四十名各備噴筒火
彈鎗械斧鋤并帶樹枝夜半潛往倚礮豎木以避炮石
下藏勇丁挖其牆脚周萬順曹懷甲各帶槍隊百名相
隨應援礮內聞聲驚覺亂石下擊周萬順等放鎗轟擊

立斃數賊餘始退避維時各寨賊兵聞警齊起鎗聲不絕周萬順等分投迎敵自十三日子初起肉薄夜戰直至寅初我軍隨身藥彈將罄幸礮牆業已挖通急燃火彈打入火光閃處見礮內堆積茅柴遂連放火彈引燃柴草賊始驚潰天已黎明我軍奪獲逆礮徐徐收隊是役也燒斃番賊以百數計我軍差弁勇丁陣亡者六名受傷者二十四名現已破此堅礮賊勢更形窮蹙投誠贖目名麥巴七工者貽書番巢勸降該番復書語多狂悖誓以死守二十四日運到開花礮兩尊周萬順繞至逆巢後山查看並詢知逆番住屋樓有九層其最高一

層尙露軒窗當以開花礮向窗隙轟入旋聞號泣雜沓之聲連轟十數礮人聲漸寂似係全避於下層且賊寨尙多兵力單薄開花礮僅五磅彈子尙覺力小以致連日進攻尙未得手至逆番仔仲則忠札霸自墨科敗竄後探實未回贍巢已赴工曲乍了等處意圖搬兵回援二十八日探報援賊數百人已有傳牌至咽喉地方勢將回援中贍周萬順聞信卽於所部四營各挑選奮勇六十名派參將李飛龍帶往擇要堵擊是夜微雨三鼓突聞賊巢各寨喊聲四起槍炮雷鳴周萬順與曹懷甲正在登陴巡警嚴飭各營堅守營壘靜以待之四更後

賊寨齊燃燈毬隊出礮外見對面右山三礮有賊出敵相持天明我軍哨官楊蔭棠至逆寨後山點放開花大礮炸彈正落賊叢賊眾始狂奔入寨是夜三鼓賊番百餘人亦同時猛撲李章營壘相持一時之久不退守備吳利南奮勇抵禦立時中鎗陣亡兵勇受傷者亦數人維時鄢明慶易友順議攻其右山三礮冀可得手卽共挑奮勇百餘名帶同差弁張明禮趙純嘏議定鄢明慶攻撲上中兩礮易友順攻其下礮直逼牆下一齊挖洞守礮之賊大聲疾呼礮石下擊各賊寨均同聲舉火明如白晝其攻撲李章營壘之賊亦回顧救援我軍列陣

右山挖者自挖戰者自戰黎明時上礮已穿遂連拋火
彈礮已引燃見其上層注水下澆救火力禦我軍復連
放開花礮斃賊十餘人賊始奔退當斬獲首級四顆傷
亡不知其數查點我軍亦陣亡六名受傷者二十名維
時李飛龍已率各營奮勇前赴咽喉防禦援賊至勞五
科地方李飛龍隨督飭裏塘土兵及熊隴降番與明正
百戶頭人等于咽喉所屬峒峽地方妥爲布置初七日
探知賊騎將來卽於該處擇險阨紮申酉之交援賊大
至咽喉瓦述土司百姓亦助兵三百名分紮左右山梁
遙見賊來已近燃炮爲號李飛龍卽督隊衝下半山與

賊相持轟擊傷賊無算賊眾勢蹙反奔我軍追逐十餘里天晚未敢窮追始行收隊擬俟黎明仍復追擊倘能盡殲援賊更足以寒番巢之膽速成掃穴之功各等情前來臣等查此次逆番于大軍攻抵逆巢四面圍逼勢已窮蹙尙敢倔強不服負隅死拒諭降不聽尤敢乘夜猛撲營壘遠招援兵實屬異常頑梗現在我軍業已燬其堅礮破走援賊雖老巢未卽遽拔已成釜底游魂惟賊志蓄逆已久布置極爲周密恃其地險礮堅牆厚樓高以暗擊明最爲得勢故雖已合圍一時猝難得手且關外地方遼闊險峻我軍之後路運道最關緊要節節

均須分隊駐紮嚴防周萬順所部現僅四營已覺分佈
難週現又防剿援賊備多力分更形單薄關外早寒誠
恐曠持師老急難攻克臣等現復添派壽字前營長勝
副中營暨泰安中左兩營飭令迅速拔隊先後出關隨
同周萬順助剿以厚兵力至泰安中左營向歸丁憂知
縣張繼統帶在附省一帶緝匪彈壓威信素孚近因地
方漸安張繼於六月請咨回藉守制刻值用人之際臣
一面札調張繼飭其喪葬事畢星馳回川仍統各營助
剿以資得力且此後瞻對攻克收回與朱窩章谷兩土
司地方善後事宜尤須有得力之員妥爲辦理該員才

識明快頗知權變擬節派令一併經理以期周妥臣等
仍催令各軍迅速出關督飭周萬順速籌攻堅之策俾
得早告成功上紓

宸廑除攻剿出力及陣亡員弁俟查明開單至日另案奏請
獎卹暨以後軍情續行

奏報弁將瞻民投誠各結鈔呈軍機處備查外所有進兵
圍攻中瞻暨賊番撲營搬兵回援均已擊退及續調各
營出關助剿緣由謹會同合詞恭摺由驛馳陳伏乞

皇上聖鑒訓示謹

奏

奏高

卷中

三

三ノ

三ノ

三

光緒二十二年九月二十九日在行轅准

軍機大臣 字寄

四川總督鹿傳霖光緒二十二年九月十五日奉

上諭鹿傳霖奏進兵圍攻中瞻番巢疊次擊敗援賊一摺官軍圍逼中瞻該夷番尙敢負隅抗拒乘夜撲營現雖迭次接仗稍有挫斬而堅礪仍未攻拔該督務當穩慎圖維不可視之太易著嚴飭先後派出各軍相機進剿以竟全功餘照所議辦理另摺奏統籌川藏情形瞻對亟宜改設漢官等語該督所籌辦法自屬慮遠思深但此事總以軍務能否得手爲斷初四日電旨業已詳悉諭知如果軍事得

手將來設官一節尙可斟酌辦理此時正不必因番官已
放或慮有所牽掣也將此由四百里諭令知之欽此遵
旨寄信前來

迭克瞻巢碣寨撲滅援賊剿撫兼施疏

奏爲官軍圍攻中瞻迭克碣寨並追剿援賊全股撲滅現
籌剿撫情形恭摺仰祈

聖鑒事竊查提督周萬順督飭各營圍攻中瞻分派勇隊擊

退援賊並臣等添派各營出關以資援剿當經續行會

奏在案其時援賊雖已擊退仍盤踞近處希圖牽制我軍

不能悉力圍攻周萬順當責成參將李飛龍務須督隊

認真追剿酌派弁勇嚴防俾前敵各軍無後顧之慮早

告成功至中瞻逆巢查閱周萬順繪呈地圖逆巢有新

舊大寨兩座形勢毗連均極高峻險固新舊大寨之外

三面環列小礮十七座賊已自焚其三其餘棋布星羅相爲犄角我軍追逼各礮寨均能以槍石轟擊互相援救是以大軍攻取猝難得手當飭周萬順相度地形攻其不備先圖其環列小礮則大寨勢成孤立一面仍多發譯諭開導招降爲剿撫兼施之計庶易成掃穴之功旋據周萬順迭次稟報援贍番賊前在峒峽地方經李飛龍等擊退八月初十日追至卡溪卡地方賊已渡河折橋踞守該處無船可渡李飛龍趕造皮船以圖濟師援賊於十五日夜自卡溪卡潛遁十六日至蝦布卡歇息造飯適周萬順所派哨弁李鳳寶千總張世彥等率

同白利孔撒麻書三土司之兵由昌科一帶橫截而至
賊乘馬而逃我軍追擊數十里賊復回頭拒敵鏖戰一
晝夜斃賊多人賊始逃遁李鳳寶等復跟追百餘里賊
已遠颺當在正卡格地方暫住維時李飛龍已渡河聞
信立派哨弁宋金勝等率勁騎數十馳赴正卡格會同
追擊二十一日夜據德爾格式土司所屬臧朶寨首阿
登密報賊等逃至臧朶住紮往探不虛李飛龍立飭李
光榮督同各土司率隊馳往掩捕並令昌科麻絨各土
千戶各派土兵隨同張世彥等扼守正卡江大橋以防
竄逸部署已定二十四日黎明我軍掩至賊營覺窩土

百戶七覺達結先率所部士兵由左路攻入賊眾猝不及防相率驚竄我軍已據江橋無路可逃李光榮復由右路攻至賊眾前後受敵死亡枕藉生擒逆番三十一人斬首一百三十七級餘賊鳧水欲遁我軍以洋鎗沿岸轟擊悉數殲除奪獲戰馬四十餘匹旄牛六十餘頭牛毛帳房三十九頂鎗械糧食無算悉已分賞有功土司此官軍追剿援賊全數撲滅之實在情形也至中瞻逆巢新舊兩寨負山臨江寨之右山有峭礪三座形如品字爲新寨之屏蔽其新舊兩寨之前復有水礪四座相爲犄角周萬順察看形勢必須先克水礪始有進兵

之路當飭趕造極厚木牌以禦鎗石並僱募礦夫挑選
健勇開挖地道深入寨牆激勵各營將士決策進攻二
十八日黎明周萬順親督各營開隊前進直攻第一水
寨賊用鎗石轟擊我軍以牌自衛鼓勇直前旋前旋卻
直至昏夜始抵寨根曹懷甲朱蘭亭馬驥李朝福鄔明
慶等各率所部勇丁四面攻擊哨弁陳有珍督率勇丁
礦夫開挖寨牆寨上鎗石如雨繼以沸湯附近賊寨復
以鎗炮環擊我軍頗有傷亡新大寨復出悍賊數十直
前援救陳有珍揮戈陷陣奮勇抵禦陣斬悍賊多人賊
始敗退惟所掘地道爲石所阻未能成功時天已將明

我軍始退避坎下朱蘭亭及哨弁張玉林均受石傷並陣亡勇丁一名受傷者十一名二十九日夜周萬順復督曹懷甲等前往攻撲因恐他寨援救另派壽字副中營攻撲他寨以牽制之其時李飛龍已破援賊凱旋卽赴前敵親督長勝右營接開前洞適大寨復來援賊數十直犯我軍經馬驥與哨弁艾榮華馬象乾等分兵迎擊斬賊三人賊乃遁去惟寨上礮石如雨鄆明慶陳有珍均各受傷迨至四鼓始將地道挖成哨弁陳長信急負洋藥二桶裝入洞中燃火轟發寨牆立圯我軍乘勢攻入立將寨賊焚殺無遺擒獲逃出番婦一名認明賊

屍內有藏番帶兵大頭人一名工曲大頭人三名朱窩
大頭人一名乍丫頭人二名我軍亦陣亡差弁一名勇
丁五名三十日夜周萬順復飭李飛龍與李朝福等乘
勝進攻下游第二水寨援賊不敢復出我軍遂直抵寨
牆挖掘地道用藥轟塌斃賊無算此又兩次攻克水寨
之實在情形也九月初一日周萬順偵知賊之水寨守
禦甚嚴議乘其不備攻取右山第二礮當令鄆明慶等
乘夜率隊潛往攻撲曹懷甲李飛龍及明正土兵同往
埋伏接應是夜二鼓銜枚急進直抵賊巢賊以長矛飛
石直犯我軍李飛龍所部哨弁陳守信伏兵突出賊不

得逞我軍亦多受傷查此礮直立岩際路極陡險有新寨遙爲犄角時以銅礮轟斃我軍猝難前進正在相持忽聞新寨銅礮炸裂哭聲震天哨弁楊蔭棠急放大礮轟擊我軍一湧而前挖成地道急以洋藥填入轟塌礮牆乘勢攻入將礮內悍賊殲除淨盡哨弁丁玉堂劉長勝奮勇先登均受重傷陣亡勇丁三名受傷十二名惟右山尙有兩礮未克賊之守禦益嚴未易攻取查逆巢新舊大寨之左尙有賊礮五座爲進兵大寨必由之路其第一礮居高臨下坡隴層疊最爲險峻周萬順查看地勢在所必爭督飭各營連夜猛攻未能得手至十三

日副將陳立綱韓國秀所部兩營趕到亦均開赴前敵
兵力既厚士氣愈壯周萬順當飭白晝進攻分派壽字
後營長勝中營長勝副中營新健營分路猛撲礮內放
鎗轟擊哨長余鳳鼎並勇丁一名當時陣亡遊擊丁玉
堂軍功龍迎廷均受重傷眾欲退避哨弁陳有珍躬冒
鎗石奔赴牆下鄔明慶復自後督隊眾始奮勇撲隴力
挖牆腳各營鎗礮環施他寨之賊不敢出援相持兩時
之久礮已挖穿陳有珍急負洋藥安放洞內滾岩而下
俄頃火發礮牆齊摧守礮悍賊數十人無一脫者周萬
順復飭乘勝進攻下游一礮韓國秀卽督隊直前此礮

本爲鎮橋而設極爲高厚左鑿深池右築圍牆牆外掘有深濠濠外梅花椿密布雜以荆棘韓國秀親督弁兵將梅花椿奮力拔去而牆內伏賊鎗石如雨相持時許陣亡守備王勝美把總張仕臣六品軍功馬才品三人勇丁亦多有傷亡勢且不支周萬順急令外委梁長泰用開花礮轟擊時已亥刻賊復出隊救援各軍奮勇接戰斃賊甚多紛紛敗退礮內逃出六人請降餘爲礮火轟斃鎗礮漸稀陳有珍卽督率勇丁乘勢猛撲躍登圍牆復督令急挖礮牆大寨之賊迭出救援均經擊退時至五鼓礮牆挖至八尺尙未洞穿急以洋藥轟放僅去

礮牆一角我軍乘勢攻入斬殺殆盡計一晝夜連奪賊礮二座逆巢藩籬已撤進兵之路已通當飭培修橋梁以通大路開挖明濠以圖逆巢仍多發譯諭密購間諜諭以投降獻襄免其剿辦以離其心十六日午後見附近各礮紛紛遷入大寨周萬順知賊眾已無固志復飭各營進兵取其附近之礮各營遂率所部四面包抄齊聲吶喊賊眾驚惶無措堅守老巢鄔明慶遂率奮勇數十人傍山而行撲入一礮始知悍賊逃入大寨僅餘婦孺三人此礮卽爲我有維時韓國秀李飛龍各率所部攻撲大寨寨內鎗石如雨當陣亡把總王懷三並勇丁

一名猝難逼近李飛龍見附近一礮鎗聲稀少諒無多賊卽率健勇數十人破門直入礮內僅有數人跳窗而下立爲我軍轟斃此礮亦卽奪得正擬進圖大寨適大雨如注當卽收隊計先後奪取五礮共陣亡弁勇十七人受傷者七十三人攻贍之役此次最爲惡戰此又連日進剿攻取五礮之實在情形也臣等伏查提督周萬順督軍進剿中贍合圍兩月有餘先後攻破賊礮八座現僅存逆巢新舊大寨兩座小礮五座已成穿獸池魚成功在卽至逆番仔仲則忠札霸所搬援賊已經李飛龍督隊追剿殲滅無遺尤足以快人心而寒賊膽雖聲

威遠播宜無敢援之賊而防範未可稍疎昨接周萬順稟報干總張世彥等駐防德爾格忒土司地方查有藏番所派委員噶布倫火工加撥來瞻辦理明瞻之案所發傳旗據稱八月初一日由藏與新派駐瞻番官四郎多布結一同起程飭該土司預備烏拉四百餘頭并無帶兵之說又另有傳牌一紙聲稱復派援瞻番兵一千五百名等語張世彥一併呈送到營惟查翊傳牌究係何人所發並無姓名何處之兵亦未敘及牌內圖記亦復模糊不清顯係仔仲偽造希以虛聲搖惑軍心臣等仍飭周萬順等妥爲嚴防可無他慮至於中瞻逆巢已

失屏蔽不難一鼓攻克且據降賊供稱逆巢番眾數已無多覩此軍威深爲悔懼其逆番仔仲則忠札霸在逃未回對堆奪吉於大兵渡撥日橋之時先已乘間竄出僅留其子楞殊與已韋堪布夷喜吐布丹在瞻死守楞殊已於九月十三日在礮內中礮傷斃夷喜吐布丹係屬番僧本不願拒敵官兵現尤極爲悔懼臣等仰體

朝廷寬大之恩飛飭周萬順開導招降剿撫兼施該逆番等如能悔罪獻寨即可收回瞻地尅日肅清免致生靈荼毒如其冥頑不靈負隅死拒亦不難掃穴犁庭矣所有迭次出力員弁及陣亡應卹人員應俟事竣彙案獎卹

奏請

恩施此後軍情再當續行奏報所有官軍圍攻中瞻迭克礪
寨並追剿援賊全股撲滅現籌剿撫緣由謹會同合詞
恭摺由驛馳陳伏乞

皇上聖鑒訓示再此摺因 臣 巡閱出省以致拜發稍遲合併
聲明謹

奏

考和

免中

三三

光緒二十二年十月初八日准

軍機大臣字寄 四川總督鹿傳霖

駐藏辦事大臣文海光緒二十二年九月二十五日奉
上諭文海奏行抵打箭爐詢明瞻對情形一摺文海著在打
箭爐暫駐所帶勇丁毋庸遣撤俟川藏道路疏通卽行進
藏瞻對一事疊經諭令鹿傳霖妥慎辦理不可視之太易
現在節近冬令軍事是否得手轉瞬大雪封山必至進兵
無路該督務須嚴飭在事各員迅拔堅巢毋任曠日持久
轉致大局或有窒礙是爲至要仍將現在辦理情形隨時
電聞將此由五百里各諭令知之欽此遵

琴和

三

三

旨寄信前來

瞻酋畏威獻寨三瞻一律肅清疏

奏爲瞻巢番眾畏剿輸誠獻寨三瞻一律肅清現在籌辦善後恭摺仰祈

聖鑒事竊查提督周萬順督飭各營圍攻中瞻對老巢迭克附近各碉寨賊勢窮蹙妥籌剿撫情形經臣等

奏報在案周萬順於攻克各碉之後隨卽督飭各營弁勇開挖曲折明濠爲攻取逆巢舊寨之計並派令降番屢次入寨開導令其獻寨投誠免死賊尙負固不服九月十七日濠已開成寨內之賊倍形惶懼將舊寨器物移入新寨猶抗不出降周萬順知其已無固志十八日清

晨傳令各營四面進攻一面仍派降番入寨切實開導
曉以利害禍福許以獻寨乞降准予免死如敢抗拒不
服卽當進攻破寨卽在今日逆番夷喜吐布丹見事機
已急始派其二等番官洽桑巴出寨求見漢官周萬順
當令隨員彭鴻年周啟藩張志騎及李飛龍鄔明慶李
朝福與之相見洽桑巴初猶狡辯無罪詞尙倔强彭鶴
年等歷數其苛虐瞻民蠶食土司叅撤不遵而仔仲復
敢帶兵越界滋事拒傷官兵種種罪狀巖詞詰責並諭
以事已至此利害禍福惟其自取洽桑巴始懼罪戰栗
無可置辯謂以前之事皆係對堆奪吉仔仲則忠札霜

所爲兩人早已在逃夷喜吐布丹本不敢抗拒官兵近日守禦亦係對堆奪吉之子楞殊之謀楞殊已於九月十三日中礮斃命夷喜吐布丹現知悔罪懇求罷兵彭鶴年等復勒令限三日之內陸續獻出礮寨不准遷延可從寬貸洽桑巴往返數四始於午後大開寨門將舊大寨獻出寨內番眾均已逃往新寨財物器械搬運一空韓國秀一軍當卽入居寨內當是時本議十九日續獻五礮詎至次日番眾遲疑翻悔新大寨及附近五礮仍復固守如前周萬順恐久後生變議先收其各礮翦其羽翼急派韓國秀曹懷甲兩營仍復排隊而出並派

已降番目札什登珠及覺窩河口兩百戶帶同降番分赴各碉極力開導守碉各番懾於兵威知難相抗亦卽陸續繳出器械先後投誠當派弁勇分住各碉其計招降番眾男女一百餘人分別資遣散去一面仍飭降番前往新寨嚴責洽桑巴畏懼遷延至二十一日始肯復出李飛龍李朝福詰其返復之故據稱不敢抗拒惟慮誘殺且獻寨之後無地自容懇求賞給烏拉酌派弁勇護送同藏蓋因結怨瞻民深慮報復並慮我軍追襲周萬順當卽宣布

皇仁概爲允許當撤開一面之圍而夷性多疑終畏誘殺遷

延乞緩至二十六日夷喜吐布丹率同喇嘛番眾婦孺
三百餘人開門而出並據呈繳大礮五尊放出羈押明
正革什咱德爾格忒霍爾五家番眾七十六人當卽訊
明分別資遣分派各營移駐寨內三瞻地面一律肅清
各等情先後稟報前來伏查瞻對本係川省土司一自
改隸西藏川省無約束之權歷任番官無不苛虐瞻民
威脅附近土司直欲使之全行歸附藏番逆謀已著故
川省威令不行近年又越界干預川屬土司事務更欲
侵佔明正土司疆土屢次尋衅構兵迭經前督臣劉秉
璋暨臣等咨明駐藏大臣奎煥等譯行商上飭將滋事

番官對堆奪吉夷喜吐布丹一併撤換免滋邊衅乃該商上一味偏聽袒庇不行約束迨經奎煥等奏請將該番官等一併撤叅欽奉

諭旨譯行商上仍復袒縱如前抗不遵辦遂致對堆奪吉等兇燄愈張本年朱窩章谷兩土司爭奪印信號紙之案對堆奪吉等復敢稱應由彼斷結迨經臣等委員候補

知府羅以禮等出關查辦對堆奪吉等已派仔仲則忠札霸帶領番兵盤踞章谷勒令出具投瞻字據經羅以禮穆秉文親往再三開導令其罷兵回巢仔仲則忠札霸竟敢藐玩不遵踞守官寨陸續添兵顯然抗拒迨李

飛龍帶勇前往輒乘其不備放鎗轟擊傷斃勇丁先開
兵衅羅以禮等因其叛逆昭著督飭漢土官兵認真攻
剿擊退助逆之朱窩土司章谷喇嘛仔仲則忠札霸始
行賄遁回巢羅以禮等復乘勢攻取朱窩該土司四耶
多登乘間遁去臣等以仔仲則忠札霸等罪難寬宥卽
飭提督周萬順督飭各營出關追剿直搗中瞻以期掃
穴犁庭罪人斯得其時瞻對番民久受番官苛虐無不
疾首痛心咸思內附紛紛前赴周萬順羅以禮營次遞
稟乞撫復以前次漢官失信深慮此次瞻地仍歸藏屬
迨周萬順等詳加開導許以瞻地收回必設漢官決不

再歸藏屬始各歡忻鼓舞羣相招徠是以大軍出關直入險阻三瞻之民望風歸順眞有如水就下之勢至於麻書白利孔撤章谷及德爾格忒各土司皆被其威脅久已附從及周萬順等督隊進剿亦各派兵應調而至助剿極爲出力迨周萬順督軍進抵中瞻四面合圍逆巢番眾已成釜底游魂周萬順遵照臣諭剿撫兼施多購閒諜譯諭招降其時對堆奪吉先已在逃其子楞殊仍敢負嶠抗拒夜率逆番撲我營壘而仔仲則忠札霸逃後仍敢勾結工曲乍了各番意圖回援周萬順旣派李飛龍全殲援賊又復親督各營迭克寨碉該逆番勢

極窮蹙外援已絕然猶奮其螳臂抵死拒守直待連破
七碉逆番楞殊中礮斃命逆巢破在旦夕夷喜吐布丹
始知悔罪輸誠獻出舊寨又復遷延數日始將所存五
碉及新大寨獻出瞻地一律肅清從此

天威遠播不特川屬番部震讐畏服卽藏番亦頗知儆懼出
瞻民於水深火熱之中無不歡呼踴躍感戴

皇仁從此川省之邊患可平門戶可固關係大局尤非淺鮮
此皆仰賴我

皇上威福故能將士用命事機如此順手用兵僅三月有餘
三瞻地面全行收復臣等前已酌派丁憂知縣張繼統

帶防勇兩營出關應援辦理善後刻下瞻地已復應飭
迅速前往清查戶口安撫地方悉心體察改設歸流一
切善後事宜均當次第興辦俟料理稍有頭緒進剿各
營卽當酌量裁撤惟周萬順統率四營出關進剿人數
無多復於攻剿危急之際分派追剿援賊之軍追援賊
殲除續撥之兩營開赴前敵卽於一月之內迅奏膚功
不至老師糜餉實屬異常出力且關外用兵艱於內地
各將士員弁馳驅於荒寒冰雪之中均能奮勇爭先各
樹功績允宜

懋賞特施破格保獎所有周萬順等出力各員相應開單仰

懇

天恩俯准照獎以酬勞勩而示鼓勵此外剿滅援賊迭克礪寨轉運糧餉在事出力員弁勇丁暨土司頭人等俟詳查明確彙案另行

奏獎至已革番官對堆奪吉僭號瞻王歷年侵佔土司地上逆謀昭著仔仲則忠札霸抗拒官兵先開兵釁並於逃遁之後勾結番部仍圖回援均屬罪魁禍首罪不容誅現經一併在逃仍應咨請駐藏大臣譯行商上查拏務獲交川治罪朱窩土司四郎多登乘間竄逃日久無獲應嚴飭各土司一體查拏務獲懲辦以絕根株而弭

邊患已革堪布夷喜吐布丹本無拒敵官兵之心其日久拒守係由對堆奪吉之子楞殊之謀迫楞殊既伏冥誅現已悔罪獻寨情尙可原應請

鴻施逾格免其治罪以廣

皇仁其新放番官四郎多布結現在贍地應歸內屬設立漢官擬卽咨行藏中飭令毋庸前來免致生事所有籌辦善後事宜容再悉心籌畫詳細

奏報除飭取保獎各員履歷清冊咨部查核外所有贍巢番眾畏懼輸誠獻寨全瞻一律肅清現籌善後緣由謹會同合詞恭摺由驛馳陳伏乞

皇上聖鑒訓示謹

奏

三ノ

ノ

四ノ

改派妥員接辦章朱善後片

再候補知府羅以禮臣派委前赴章谷督辦朱窩章

谷兩土司案件該員行抵打箭鑪廳其逆番仔仲則忠
札霸業已帶兵出巢盤踞章谷官寨勒令投贍該員卽
親身前往開導再三詎仔仲則忠札霸藐玩不服添兵
抗拒並伺隙狙擊先開兵衅該員與參將李飛龍支持
危局督軍攻勦擊走仔仲轉危爲安不無微勞足錄當
經隨摺

奏獎在案迨後朱窩逆巢攻克該土司四郎多登乘間遁

逃臣復飭令該員料理善後乃該員辦理一切諸多錯

誤專擅隨經嚴批申斥該員旋稟稱患病入關就醫輒
行折回鑪雖經查明患病屬實尙無規避情事然不候
批示委員接辦擅自入關置善後諸事於不顧實屬始
勤終怠相應請

旨將該員羅以禮前案優保核減改爲仍以知府歸候補班
補用庶功過兩不相掩勸懲胥得其平其章谷善後事
宜查有已革甯遠府知府唐承烈老成穩練熟悉夷情
堪以委令出關接辦並令會同丁憂知縣張繼將瞻對
善後各事聯爲一氣通籌妥辦以期得力除咨部查照
外理合附片陳明伏乞

聖鑒訓示謹

奏

敬

上

奏

三ノ

ノ

ノ

瞻對收復請撤回番官并陳英俄窺藏情形疏

奏爲瞻對全境收復番官應請撤回達賴難遽生衅外向
及英俄窺藏情形恭摺密陳仰祈

聖鑒事竊臣前經迭次陳明瞻對爲川省門戶應設法收回

嗣因逆番對堆奪吉派仔仲率兵侵佔章谷拒傷官兵
先開衅端遂聲罪致討攻剿瞻業業經收復三瞻另行

馳奏惟臣屢請免派番官迭次欽奉電

旨訓示已擇要電奏謹再爲我

皇上縷晰陳之查藏番通俄一節事在印藏構兵之時俄人
乘間藉遊歷爲名取道後藏而來甘言厚幣以誘藏番

又因語言文字不能相通特予密函三件約令遇有急難將函馳送俄境即可電達助兵援應藏番欣然信從結好而去祕之未敢宣露乃後藏班禪素與達賴不睦而附於英因洩其事前駐藏大臣升泰聞知查究追出原函存案惜未及時銷毀迨升泰出缺藏番賄通司文案者仍將三函盜去然此後不聞再有往來之事蓋俄之距藏遠隔萬里夏秋水潦不能通行且必道經後藏若有勾結則班禪必爲洩之英亦防之甚嚴此藏番遠難通俄之實情也否則以達賴之藐抗頑梗如其能通不待我驅之早已外向矣固無關瞻對之子奪也至番

官之肆虐滋事直欲將邊地土司概歸其屬以遂其逆
謀瞻民創鉅痛深土司被脅依附已有年矣此次大兵
出關紛然歸心向化堅求內附自不能不許其效順之
忱故先後僅到六營閱時亦祇三月卽能深入險阻攻
克瞻巢若非土司瞻民之相率歸誠助兵向導何能成
此大功今旣收回三瞻經營善後自應改設流官盡心
撫馭以順民情而彰

天討若仍以已得之瞻地委之藏番其苛虐侵擾必更甚於
前則此次土司瞻民效順助剿不惟無功反受其害是
前功盡棄大失人心甚非所以布

皇仁而昭大信更何以對土司瞻民乎況臣前已迭次奏明

藏一有事瞻對卽屬之他人是其地之得失尤關川省

之安危此臣所以再三奏請免派番官改歸內屬也伏

思近年邊事皆由事前敷衍畏難不早爲規畫一旦事

變猝臨遂致潰敗決裂不可收拾歷觀往事可爲寒心

皇上不以臣爲庸愚畀以川疆重任臣何敢鹵莽從事致肇

衅端特不敢敷衍畏難貽無窮之後患區區愚忱神天

可鑒臣接藏員探稟達賴聞川省進兵頗有懼意故前

此抗不撤換今始請改派番官其畏威不懷德卽此可

見夫從前瞻對之賞給達賴原屬一時權宜乃歷年番

官虐民滋事今更敢拒傷官兵實屬罪大惡極姑念達
賴遠在數千里外或不知其番官之不法今不深責其
縱容之罪已足示

皇上寬大之仁惟土司不能任其侵佔瞻民不能任其苛虐
應請明降

諭旨以昨據訥欽請派番官係屬照例允准今據臣奏明番
官種種不法情形自應收回瞻地仍歸川屬改派漢官
管理其新派之番官四郎多布結無論行抵何處卽飭
回藏勿庸赴瞻譯行商上欽遵卽使達賴狡執饒舌不
難以理喻之若其藉口生衅則其勢有所不能何也藏

番亦知順逆其信從達賴者惑於佛教耳若公然背叛
番民未必聽從且廓伺其旁英乘其後今再叛天朝更
何能自存彼縱極愚頑必不敢出此況藏中達木八旗
以及三十九旗皆屬我而不屬藏若駐藏大臣號召該
族而善用之更足以制達賴使不敢逞頃接訥欽來咨
慮藏餉皆由番官匯兌恐其作梗不知藏番實貪購茶
之利故樂於在打箭鑪收我餉銀購運入藏銷售藉以
匯兌然川商有自運茶入藏銷售者亦可匯兌如達賴
敢於藉口生衅臣願勉效駑貽身任其事必不致激成
大患上貽

宵旰之憂也至英俄交窺藏地實皆注意印度英爲商務最盛之國久有富名而轄境零散多處不相聯屬印度尤其奧區近年頗有持盈自危之意俄之垂涎印度已久以西藏據印度之巔頂故思得藏以圖印以取建瓴之勢特遠在萬里外道路險阻勢難遽通而英人頗以爲慮防範甚嚴邇來俄法交密英人疑之亦結好德國以爲助彼此相忌莫敢先發故英人之言曰上年構兵取藏易如反手其不肯取而願畫界以和者懼俄之爭而開兵端也若英俄爭藏則兵連禍結將無已時藏爲中國屬地萬國共知俄礙於公法決不能顯然圖藏中國

若自行整頓藏務英俄皆不能干預則畫界早定尙可
暫時相安非虛語也無如藏番冥頑梗抗難以理喻英
甚恨之欲嗾使廓爾喀等部藉事與之構兵而彼從旁
觀衅而動達賴外甚狡抗而中情實怯據藏員稟稱廓
藏米鹽之案藏狡執不肯用印聞廓兵臨界卽行遵印
立約又瞻番官抗不遵撤一聞川兵進剿遂請改派其
情怯可見今我若自行設法整頓實英人之大願俄雖
不欲而公法所在亦無可置詞昨接由印赴藏委員李
毓森電稱行抵印度與英界務官晤談其意尙可通融
辦理臣已函告文海促其速行入藏設法先將界務辦

結徐圖整頓則藏可暫安川省亦有藩籬之固矣所有
收復全瞻請撤番官達賴勢難生衅及英俄窺藏互相
疑忌情形謹繕摺密

奏伏乞

皇上聖鑒訓示謹

奏

芳和

卷一

三

駁復達賴來文仍請收回贍地片

再臣接准訥欽咨送達賴寄臣文咨一件察其情詞雖

多狡飾而其心實已畏懼臣當卽據理開導登復馳遞

冀其稍知警悟其實達賴冥頑無知皆其左右貪劣之

噶布倫等於中播弄之又准文海咨送奏稿中多過慮

之詞其酌賞達賴銀兩一節臣竊以爲此端切不可自

我先發必待其理屈詞窮再由駐藏大臣以酌賞爲轉

圜在彼得之意外庶知頂感

皇仁否則番性貪得無厭轉滋口實況自贍對賞給達賴迄

今將三十年每歲所得贍地賦稅已倍於三十萬之數

平現復據周萬順稟稱瞻民近聞仍有新番官將至紛
紛驚疑赴營詢訴求勿撤兵代爲作主并私相竊議如
番官果來將糾集全瞻之衆抗拒驅逐不甘再受苛虐
萬一漢官再失信不管將擁戴當日工布朗結之子仍
規復其土司舊業當經明白開導已阻番官勿來勿庸
驚疑請速咨明駐藏大臣并行沿途糧務勸止番官萬
勿前來等語似此情形瞻地若不收歸內屬必致瞻民
自逐番官思復土司舊業是更徒失民心達賴仍不知
感邊地且從此多事矣除飭周萬順張繼等妥爲彈壓
開導并將達賴來文及臣咨復文稿鈔送軍機處備查

外謹附片具陳伏乞

聖鑒訓示謹

奏

三ノ木

三ノ木

十

會商開導達賴收回贍地疏

奏爲遵

旨會商恭摺密陳仰祈

聖鑒事竊

臣

等於光緒二十二年十一月十二日接奉軍機

大臣字寄十月二十八日奉

上諭本日鹿傳霖奏疊克中瞻礮寨剿撫情形文海奏瞻對業經收復亟宜妥籌辦法訥欽奏遵旨譯咨商上並瞻對關係藏中全局各摺片鹿傳霖此次奏報係在本月十一日電奏以前三瞻雖已全克或收回內屬或賞還達賴均於大局頗形窒礙實屬勢處兩難即使酌賞銀兩能否令

其心服亦無把握向來藏內軍餉歸番商匯兌接濟兵米亦資商上倘達賴因此缺望諸事掣肘將來印藏勘界一事更難著手是收回一說談何容易然使竟行賞還達賴又恐藏番生心威脅鄰境各土司以致出關路阻將來駝隻無人供應何以入藏是徑行賞還亦有不可此事鹿傳霖力主改設漢官惟以上窒礙情形不可不熟思審處上次電奏保川保藏之說把握安在應如何通盤籌畫外不使達賴萌反側之心內不使瞻民罹水火之厄該督等身親其事自當確有見地文海著淮其折回成都與鹿傳霖妥籌辦法如果能令達賴悅服不致因此掣動藏中全局

朝廷撫育方夏豈肯置邊氓於度外况贍對本係川省轄境又爲全省門戶哉該督等接到此次諭旨務卽詳細會商各抒所見迅速具奏所有疊次攻剿出力員弁及陣亡人員著鹿傳霖彙案奏請獎卹文海訥欽摺片著分別抄給互看訥欽另奏藏廓鹽米通商事務現經書立和約遵允完結一摺尙屬妥協所有派出委員准其酌保數員毋許冒濫將此由五百里各諭令知之欽此

臣文海已於十一月初六日到省遵卽會同詳細籌商惟有仍請酌賞銀兩一節尙爲歸束之計特不可自我發端須設法引之上路藏番性情遲疑貪狡外強中乾此次微有懼心

若善爲開導或可就範擬由臣等會商臣訥欽札飭隨勘界務委員知府李毓森及後藏糧員胡用霖曉諭商上噶布倫等令其轉致達賴告以瞻對本係川屬乃該番官等異常苛虐瞻民受其荼毒現據其紛紛控訴之詞慘不忍聞不惟大失

朝廷愛民之仁亦且顯悖佛教慈悲之意達賴遠在數千里外鞭長莫及致爲番官蒙蔽不及察知今仔仲復敢越境滋事先傷官兵大軍追剿收復其地仰體

大皇帝如天之仁仍將降番夷喜吐布丹等不加傷害善道回藏現在瞻民懇求內附并欲糾眾抗拒番官免再受

害自應奏請仍歸川屬設官撫綏達賴來文既稱常沐
仁慈萬難圖報惟有常川勤誦經典恭祝

大皇帝萬福萬壽朝政興旺等語自應感激

列聖數百年保護釋教之恩引咎自責將新番官四郎多布結
等撤回靜候

諭旨益足見恭順之心一經奏聞

大皇帝必深爲嘉悅優加

恩賞以後黃教自更興隆等語向其剴切開導縱不能即時
聽從必可得其意向至訥欽所慮匯餉兵米兩事臣等

細加探訪軍餉可由打箭鑪自向察木多番商議兌兵

米亦可自向藏市廓商采購不至爲其所制委員果能堅持妥辦善爲曉譬彼既無可挾制自不能不就求賞爲轉圜縱多費十數萬金而地歸內屬可免無窮之後患所得良多況贍對尙有出產可以徐圖補苴如此辦理雖不能確有把握似終可就我範圍如蒙

俞允俟恭奉

諭旨卽行飛咨幫辦大臣訥欽遵照飭令委員妥辦臣等已先將此意函致訥欽并飭隨同番官現在察木多暫住之參將喻立誠亦向四郎多布結青饒彭錯等相機開導令其折回轉致達賴以期早日就緒頃接委員李毓

森到藏來稟據稱接晤英界務官意可通融察探番情
若以山頂分界亦可聽從界務或不至費手合併陳明
臣文海病勢稍輕春暖諒可就痊所有會商擬辦緣由
是否有當謹合詞繕摺密陳伏乞

皇上聖鑒訓示謹

奏

易系

卷一

一

再詳陳藏番情形請將瞻對章谷朱窩均改流官疏
奏爲遵

旨再行覆陳并籌辦瞻對朱窩章谷善後事宜擬設漢官撫
治土民恭摺仰祈

聖鑒事竊臣於光緒二十二年十一月十四日准軍機大臣
字寄十月三十日奉

上諭鹿傳霖奏瞻對全境收復應請撤回番官達賴勢難生
衅外向賞給銀兩其端不可自我先發及瞻民間新番官
將至紛紛驚疑各摺片覽奏均悉現在全瞻收復自應亟
籌辦法惟徑行收回與仍行賞還事處兩難必須通盤籌

畫俾達賴瞻民均無窒礙方可以保川保藏朝廷用意總以保藏爲要並無成見所有一切情形已於本月二十八日寄諭詳細諭知文海已准折回成都著該督卽與該大臣詳細商酌定一至當不易之策會同具奏將此由五百里諭令知之欽此跪誦之下仰見

皇上柔遠愛民之至意欽悚莫名遵查前奉

諭旨 臣卽與駐藏大臣文海詳細籌商擬派員開導藏番仍請賞銀兩另摺會

奏在案伏查瞻對在川省西南眾土司之中去藏遠隔數千里而距川甚近形勢最爲扼要自歸藏以來番官連

年苛虐瞻民威脅土司直欲使關外全歸其管轄爲害已屬不淺况今藏勢岌岌設一旦屬之他人其禍尤大此次用兵寓撫於剿逆番勢窮力竭始獻寨出降卽將降番數百人善遣回藏可謂仁至義盡達賴稍有天良應知感戴

皇上如天之仁前攻剿吃緊時據察木多文武稟報仔仲逆番詐傳達賴之命於該處附近調番兵六千該番等僉稱不敢抗拒

天朝彼百般迫脅日久應者僅三百人迨該文武曉以大義遂開然散去是眾番尙知順逆決不能助達賴叛逆也

三和
今三瞻幸已收復土司瞻民歸心向化藏番震懾或不
致如前藐抗不獨保川兼可保藏蓋懲之正所以保之
也達賴愚冥無知近來驕抗異常藐視大臣動輒阻撓
皆由貪劣番官之播弄今示以

天威彼番官等亦可稍知警懼雖收回賞還事屬兩難然兩
害相形當取其輕夫收回瞻地達賴縱不心服不過狡
執饒舌不致別滋事端若再行賞還則大失土司瞻民
之心而藏番且視爲當然并不知感其勢益橫瞻民不
甘再受荼毒必致糾眾相抗民勝則民與藏交相怨我
措手尤難藏勝則土司全爲其脅服川藏阻隔邊患益

深此尤切近之災藏番之性畏威而不懷德我若牽就
彼更得志界務通商益加任意抗違激怒英人藏之危
亡可立而待藏若不保贍爲藏屬並關外土司全非我
有逼近打箭鑪內地其禍尤不堪設想臣商之文海
所見略同此時收回贍地若蒙

諭旨飭令駐藏幫辦大臣訥欽譯行商上切責番官害民侵
地之罪一面委員善爲開導

恩威並用較易聽從達賴計無復之終歸求賞爲結束縱番
性貪利多索而可免無窮之後患亦較之賞還爲益實
多臣待罪疆圻身親其事何敢不統籌全局深思熟計

惟實見三贍之得失有關川藏之安危是以再三力請
撤回番官收復贍地也今番官未撤漢官一日不設贍
民之心一日不安藏番之覬覦亦一日不息亟應乘此
設官撫治悉除苛政緩輯贍民卽章谷朱窩兩土司因
互相爭襲致釀禍端朱窩土司四郎多登勾結藏番爭
襲搆兵固應嚴拏治罪卽札喜旺甲本係麻書土司之
子業經承襲其職復因章谷老土司病歿無子爭欲兼
襲致肇衅端亦應不准兼襲并請將章谷朱窩兩土司
轄地一併改設漢官略仿松潘五屯舊案遴委妥員管
理土民賦稅詞訟一切等事以安民心而杜後患俟三

處善後辦妥卽次第推行經營裏塘巴塘德爾格忒一帶地方酌度情形開荒修路逐漸整頓直至川藏交界爲止庶可固川省之藩籬懾藏番之狡抗則界務通商均可次第了結英人亦自輸服一面取道德格土司轄境展修電線西接三十九族地方以達前藏不經唐古忒轄境彼自無能阻撓從此極力經營二三年後電線旣通邊防就緒聲息靈通達賴自必震懾

天威不敢仍前違抗政令仍操之駐藏大臣則川藏鞏固庶可紓

皇上西顧之憂臣刻已會商臣文海函致臣訥欽派員曉諭

達賴并札飭參將喻立誠勸諭番官折回一併開導一
面飭令駐紮瞻對之張繼撫綏瞻民妥籌善後并飭唐
承烈清查章谷朱窩兩土司之土地戶口以備派員分
投前往管理漸次整頓以保疆圉而弭後患如蒙

俞允容再詳議章程奏明辦理謹將籌辦瞻對章谷朱窩善
後事宜擬請酌設漢官緣由恭摺具陳是否有當伏乞

皇上聖鑒訓示謹

奏

留營駐贍彈壓片

再_臣前恭奉電傳

諭旨著酌留數營駐紮贍對鎮靜彈壓等因欽此當卽欽遵
飭行酌留六營妥爲彈壓去後嗣據周萬順張繼會稟
以先派攻勦之四營弁勇旣多傷亡亦甚疲乏關外嚴
寒軍士思歸贍民歡欣聽命從前逃亡者多已歸來惟
紛紛控訴番官之凶暴苛斂民不聊生求歸內屬查看
情形若酌留後去四營足資鎮撫_臣覆查屬實已飭張
繼統帶三營駐紮贍對籌辦善後韓國秀一營駐紮道
陽兼顧章谷朱窩善後其餘四營已陸續凱撤不日卽

三ノ

二ノ

一ノ

可入關理合附片具陳伏乞

聖鑒謹

奏

光緒二十二年十二月十七日准

軍機大臣字寄

四川總督鹿傳霖駐藏辦事大臣文海幫辦大臣訥欽
光緒二十二年十二月初五日奉

上諭鹿傳霖文海奏遵旨會商妥籌瞻對辦法鹿傳霖奏籌
辦瞻對朱窩章谷善後事宜各一摺所陳瞻對地方形勢
及瞻民向化藏番震懾各情通籌全局利害相形自以收
回瞻地改設漢官爲正辦著鹿傳霖文海卽將前後情形
及現在辦法詳細函知訥欽剴切詳明開導達賴曉以大
義並譯行商上示以朝廷保護黃教二百餘年瞻對距藏

寫遠鞭長莫及此次收回內屬實爲藏中省卻無數葛藤免致瞻民與藏番交怨並飭現在察木多暫住之參將諭立誠向四郎多布結青饒彭錯等相機開導總應內番官折回縱費脣舌當不至別生枝節掣動全局則辦理自易就緒其賞銀一節並准通融辦理如達賴撤回番官即可藉此轉圜是在該督等之相機因應矣至所請將章谷朱窩兩土司一併改設漢官將來次第經營裏塘巴塘一帶地方展修電綫界務亦易就範各節並著該督等通盤入畫妥慎辦理鹿傳霖另片奏酌留三營駐紮瞻對籌辦善後著照所議辦理總之鹿傳霖身膺疆寄文海訥欽統轄

全藏均屬責無旁貸務須酌度情形剛柔互用保藏保川
兩無窒礙方爲不負委任一切操縱機宜朝廷不爲遙制
也將此由五百里各諭令知之欽此遵

旨寄信前來

考系

系一

下

復奏統籌川藏全局增移鎮道並瞻對等處改流疏
奏爲遵

旨統籌川藏全局擬請分別緩急增移鎮道并瞻對等處改
設文武各官以撫邊民而固疆圉仰祈

聖鑒事竊臣承准軍機大臣字寄光緒二十二年十一月初

十日奉

上諭有人奏瞻對關繫川藏大局請飭籌經久之策以杜外
患而固邊防一摺瞻對一事疊經諭令鹿傳霖通籌全
局妥慎辦理此奏所稱撤去番官建置漢官設兵戍守開
墾屯田各節是否悉合機宜鹿傳霖身任封圻當兼籌川

藏全局卽歸入前兩次寄諭內一併妥籌迅速具奏另片
奏請於打箭鑪廳城設巡道一員再於裏塘以南與雲南
中甸接壤處設文武官一二員並將阜和協副將改設總
兵或徑令移紮裏塘等語著鹿傳霖一併妥議具奏原摺
片著鈔給閱看將此由五百里諭令知之欽此仰見

聖主慎重邊陲聽言必察之至意跪誦之下莫名欽服伏查

瞻對一事臣前恭奉兩次

寄諭業經會同文海妥商具

奏臣又另摺覆陳諒邀

宸鑒查原奏所稱曉諭達賴撤去番官建置漢官必須恩威

並濟乃可清遏亂萌等語正與臣迭次

奏陳之意大致相同其言彼族見我偷安畏事益將大啟
戎心尤爲洞達事理另片所陳添設文武各官以爲固
圍之計思深慮遠頗合機宜茲按照原奏各節悉心妥
籌分別緩急酌擬辦法敬爲我

皇上詳晰陳之竊惟三瞻之地南接裏塘爲入藏通衢北界
德蓋土司爲茶商入藏之北路居眾土司之中形勢險
要今旣收復其地擬改設直隸同知一員更名曰定瞻
直隸廳隸於建昌道而移建昌道於打箭鑪勿庸添設
道員以歸節省並將打箭鑪廳亦改爲直隸廳徑歸道

轄同城之阜和協請仍其舊其章谷朱窩兩土司則改
土歸流仿金川五屯之制設立屯官作爲差缺並將麻
書孔撒白利三土司分隸於兩屯官兼轄而統隸於瞻
對同知並添設游擊一員與同知同城使漢土官民聯
爲一氣又德爾格忒土司一名德蓋又曰疊蓋皆轉音
也幅員最廣據金沙江上游頗爲扼要其地南界三瞻
北界青海東西將二千里直抵藏界察木多將來接展
電線卽擬由此取道達藏比年爲瞻酋霸其土婦廢其
土司全境依附於藏今大軍克復三瞻其土司具呈控
訴其頭人等正懷疑懼宜及時設法牢籠其頭人復其

土司之位使之畏威懷德樂爲我用亦設屯官一員都
司一員以鎮撫之並隸於瞻對臣已分飭唐承烈張繼
等各將瞻對章谷朱窩等處疆域賦稅戶籍等項分別
查勘造具圖冊呈核並加意撫綏羈縻各土司土民使
之益親漢官以收人心而便後圖此應及時急爲經營
者也至於添設總兵或駐裏塘或駐巴塘作爲邊鎮要
缺而以阜和協及巴裏兩塘之都司及新設之瞻對遊
擊德格都司均隸之且邊荒地而遼闊如有應添設佐
貳塘汎以期聲勢聯絡之處尙待查勘明確酌量辦理
此應稍緩逐漸推廣者也蓋瞻對民心業已向化而章

谷朱窩土司爭襲肇禍理宜改流俟此三處布置就緒
然後漸次推廣經營德蓋巴裏兩塘等處臣揀派妥
員出關逐一踏勘籌度以期妥協而資經人惟是邊方
創始地既險遠荒寒事復委曲繁重仰懇

天恩不鞠

臣

以文法俾得便宜從事破格以勵人才厚賞以

勵將士庶可日起有功再查雲南維西協屬之阿墩子
汛地方界接巴塘轄境左臨瀾滄右挹金沙兩江滌洄
最關緊要聞近年英人由阿薩密修造鐵路直達緬甸
其鐵路橫經之處距阿墩子僅四五日程似宜於阿墩
子移置重鎮以固疆圉擬請

旨飭下雲南督撫臣與臣會商應如何於川滇交界各設文武員弁之處公同妥議

奏明辦理如此通籌建設布置使川省關外與內地聲息相通再將電線展通於前藏消息愈靈無事則邊地相安有事亦籌防較易如蒙

俞允應請明降

諭旨將番官四郎多布結撤回飭令駐藏大臣訥欽卽照原奏所陳曉諭達賴以藏中不能遠服瞻對以致番官苛虐不能覺察今我爲之開化興治正以預防禍機固川卽以安藏剴切開導使其稍知利害然後酌加賞需以

爲歸束於以布

德威而崇

國體有裨大局實非淺鮮今日之西藏亦至愚極弱矣俄遠而英近不患反側而患驕縱愈驕縱則愈梗頑又有
一二番官簧鼓其間未必遽能聽從臣雖極力經營於邊境勢難遙制夫藏中尤賴駐藏大臣等不憚煩難和衷共濟相機開導力圖振作庶藏番不敢始終固執自可徐就範圍至設官善後一切詳細章程應俟奉到

諭旨允准後容臣熟計深思分析陳

奏所有遵

旨統籌川藏全局擬請分別緩急設官建置緣由謹繕摺具
否有當伏祈

皇上聖鑒訓示謹

奏

三ノ木

身

三三

增錄高侍御雙曾奏請收回瞻對建置漢官疏并請改

設文武各員片

奏爲瞻對地方關繫川藏大局請

飭籌經久之策以杜外患而固邊防恭摺仰祈

聖鑒事竊惟本年春間瞻對逆番滋事擾及鄰封經四川督

臣鹿傳霖派兵剿辦現已將次就緒臣愚以爲經此戡

定自當籌一勞永逸之計不宜仍前遷就致釀邊陲隱

患查瞻對一隅自道光以來疊逞頑梗同治初年瞻酋

工布朗結稱亂經藏中助兵剿平遂將此地賞給唐古

忒此一時權宜之舉未及規畫久遠之謀也考瞻對自

屬藏以後頻年反則屢滋事端光緒六年十二月初四
川督臣丁寶楨奏稱瞻對緊逼鑪廳接連內地一自歸
藏節制蹂躪邊氓不堪言狀又云此地賞歸達賴喇嘛
由藏派番官前往戍守在達賴喇嘛原不敢夜郎自大
惟所派番官鮮知大義以爲得此重地與我抗衡遂每
肆鴟張漸恣蠶食如從前之彭饒巴勒令曲登土司投
誠每年納丁銀五千兩近年西北兩路之孔撒朱窩魚
口德蓋及裏塘屬之阿巴三村竹巴籠五村各頭目土
民畏索康色凶愆勉強歸附納賦當差而且內地夾壩
逆番盡以瞻對爲逋逃之藪該番官旣縱令肆行搶劫

又袒庇爲之護符一遇有事台員土司等慮開邊衅不敢過問卽或稟報咨藏行查不但累月經年毫無端緒並敢抗詞推諉奸狡不承遂致跋扈強橫日甚一日至此大竟敢大肆猖獗秣兵犯境圍攻台寨焚殺百姓據此情形已成邊荒隱患等語案索康色在瞻稱亂甫於光緒六年剿辦今僅十有餘年仍敢大肆披猖復蹈前轍是瞻酋之屢次違抗實由藏中之失於控馭確有明徵本年經川督臣檄撤番官屢催罔應卽非達賴喇嘛有心縱庇亦足見其威令不能行於瞻對也瞻夷雖亦崇奉黃教然野番雜處好亂樂禍非江卡察木多等處

有大喇嘛可資統懾者比與藏衛風俗亦不盡相習三
瞻地界接壤明正土司距川甚近距藏最遠且適當貢
道之旁稍有蠢動卽形梗阻不可不及時擘畫致貽伏
莽滋蔓之虞臣閱八月邸抄瞻對番官業已揀員補授
在

朝廷撫綏藩服原不必旣予復取爭此區區之壤地顧畀瞻
對於藩部其損小種隱憂於邊陲其患大瞻酋歷來抗
命幾成故習不止一人一官爲然此次川兵入境百姓
爭先效順若仍予番官事權則兵撤之後難保不虐待
其民激成變亂用兵則煩費無已聽之則恣睢日甚其

不可者一也海外萬國環伺耽耽瞻對爲我故地今重
勞兵力幸而剿平倘仍棄之域外彼族見我偷安畏事
毫無遠圖滇蜀土司與英毗連者居多此後益將舐糠
及米大啟戎心其尤不可者又一也爲今日計莫如收
回三瞻撤去番官建置漢官設兵戍守開墾屯田次第
興辦一面曉諭達賴喇嘛以藏兵不能遠服瞻對之故
今我爲之開化興治豫杜禍機固川疆卽以安藏境持
此剴切開導番族當亦易於順從不然則仿金川五屯
或參用松潘理番各廳制建漢員經理地方事務其番
官但令食租衣稅無所干預或如裏塘巴塘江卡察木

多等處安設台站糧員星羅碁布無事羈縻勿絕有事則聲息易通俾川藏兩境聯爲一氣萬不可仍委之西藏一任番官之恣意妄爲也此事大局攸關臣究不敢遙爲測度鹿傳霖身任封圻責無旁貸應請

旨飭下該督臣將如何措置可弭後患之處悉心妥籌奏明辦理總之瞻酋不可不加重懲藏番不可不使知儆心須恩威互濟乃可消遏亂萌折外藩驕蹇之心卽以戢強鄰狡啟之志臣愚管所及披瀝上陳是否有當伏乞

皇上聖鑒謹

奏

再臣閱道員姚文棟所著偵探記英人於滇邊地方測量道路所過土司俱脅令歸附惟遇有漢官駐紮處則止不復前蓋以其正名爲中國地界彼雖貪狡亦無詞闌入也然則爲固圉計非於邊界設官不可查四川徼外各土司疆宇表遠實有鞭長莫及之勢而最重要者以打箭鑪迄西巴裏入藏孔道爲最衝現在打箭鑪廳止設同知一員職分未崇難資控馭且值川邊創辦開礦之際撫綏彈緝關繫非輕擬請於廳城設分巡道一員統轄裏巴江察各糧員兼管鑪關及礦務茶務再於裏塘以南與雲南中甸接壤處設文武官一二員永遠

駐守以杜英人窺藏之路庶幾門戶嚴密外患潛消又四川提督本駐雅州府近來移鎮成都打箭鑪以西兵備尙形空虛可否將阜和協副將改設總兵益以內地勇營或徑令移紮裏塘等處以資鎮懾於邊陲防務不無裨益臣所擬各節辦法均爲豫防英人窺伺起見現值瞻夷剿平一切布置皆可以彈壓番族爲名尙不至啟外人疑忌否則機會一失後難爲圖矣愚昧之見是
否有當謹附片密陳伏乞

聖鑒謹

奏

遵再派員入藏開導達賴不能生衅疏

奏爲遵

旨派員入藏並達賴不能生衅情形恭摺仰祈

聖鑒事竊臣於上年十二月二十一日恭奉電

旨鹿傳霖馳奏瞻對設官各節覽奏已悉此事關係川藏全局是以疊諭該督妥慎辦理今據所奏於川省藩籬綢繆甚固而於藏衛情形仍無把握達賴尙無回信又未撤兵其包藏貳心已可概見設因一隅內屬而全藏動搖得不償失該督豈未深思耶著該督將瞻民願仍歸川並朝廷垂念藏番可以酌賞銀兩之意明白宣示派委幹員乘傳

入藏必得達賴的實聲覆且以覘其向背之幾俟有確情再行定議切勿孟浪從事致誤大局欽此 臣謹將前已會商文海函咨訥欽飭派赴藏之知府李毓森妥爲開導酌賞銀兩川藏寫遠番性遲疑回信難速請免再行派員緣由電奏在案旋奉電傳

諭旨鹿傳霖電悉朝廷慎重者瞻對設官一節至朱窩章谷及巴裏塘布置原與藏中無涉然若因朱窩等先設流官遽將瞻對一體改設則前此簡放番官之旨必須撤回難保藏番不從此生衅著遵前旨迅派幹員馳往宣示後取有的實回信再行電聞此時有四營在瞻必無他慮欽此

欽遵查藏路荒遠凡委員入藏必須預籌裹帶糧食等項料理行裝非月餘不能就道卽趨程馳往亦須七十餘日總計至速抵藏已需四閱月矣前已咨由訥欽派委員李毓森妥爲開導如其辦理得宜此四月內當必已有端倪且再派之員到藏仍應稟商訥欽辦理方免歧誤似覺重複勞費此臣所以電請免再派員也今兩次恭奉電

旨仍飭派員自應恪遵茲查有雅州府知府裕綱前充夷情章京在藏年久情形熟悉堪以委令馳往仍飭稟商幫辦大臣訥欽會同李毓森遵照

諭旨明白宣示開導以期速結至收回贍對達賴不能生衅則不獨臣一人之言卽訥欽來函亦言之文海亦有達賴不致滋事之奏情勢顯然謹再爲我

皇上詳陳之達賴向倚三大寺爲重藏中每有大事必詢謀僉同方能舉辦臣據藏員探稟此次全贍底定達賴會集三大寺懇讓色拉寺卽直斥其抗違

朝命之非惟有布賚紉一寺附和之噶勒丹一寺則依違其間遂爾罷議是藏僧意見先已不和其不能生衅一也往年印藏之戰番兵死亡甚多至今言之寒心藏例用兵糧餉悉由番兵自備傷亡亦不廡卹何能用命且番

眾頗知順逆若達賴使之抗拒

天朝必不聽從此次援贍多不應調已有明徵其不能生衅

二也至附俄之說臣前已密陳俄遠而英近又有後藏

班禪伺察梗阻其間一時斷難勾串其不能生衅三也

查新番官四郎多布結行抵察木多僅隨行兵二百名

番官未撤其兵自亦未撤此外並無藏兵且喻立誠一

叅將即可勸阻番官不進其不能生衅更屬可信因思

朝廷所以慎重者慮達賴生衅耳亟宜撤回番官經營贍對

設官撫民局勢大定彼計無所施終以乞賞爲轉圜則

勢順而易臣前奉

諭旨有人奏統籌川藏及設官各摺片飭臣議覆是以悉心

籌度據實陳明分別緩急設官改流以固邊圉也臣雖

至愚豈不知川藏唇齒相依保川保藏必須兼顧何敢

孟浪從事致誤大局自取咎戾惟熟察深思確知藏番

情形若任其驕縱適以速禍使稍知儆戒轉足保全今

瞻對收回俾達賴知儆不惟保川兼可保藏機不可失

故不敢畏縮因循貽誤邊要亟思殫盡血忱慎固邊圉

爲一勞永逸之計期以仰答

高厚於萬一今旣

諭旨以瞻對設官宜加慎重敢不敬謹遵照惟瞻民望設漢

官情勢迫切臣惟有飭令駐贍之張繼妥爲鎮撫以待
緩圖其川屬章谷朱窩德格巴裏兩塘各土司地方設
官事宜卽先行籌辦以固邊陲而免貽誤容將籌辦情
形隨時

奏報所有遵

旨派員入藏贍對暫緩設官及達賴不能生衅緣由理合恭
摺密陳伏乞

皇上聖鑒謹

奏

三ノ木

一ノ

三ノ

訥欽亦稱達賴不能生衅片

再臣於本年正月初五日恭奉電傳訥欽

諭旨訥欽電奏語涉游移現在達賴情形若何有無引咎之詞番兵曾否撤退三瞻收回有流弊否賞銀已宣示否該大臣身處藏中務當得其要領與鹿傳霖等切實函商妥辦毋托空言欽此當經恭錄密封由五百里馳寄茲接訥

欽客臘十八日寄臣函稱恭奉會商

寄諭細揣

止意蓋恐瞻地收回藏番因而生變所以有事處兩難之語當將藏內安靜不致另行滋衅先行電

奏以紓

聖懷茲將電稿附寄俟辦有頭緒再詳細具奏

臣

查閱電奏

稿內稱十月二十八日

諭悉瞻事涉藏始甚危現經圖維不致另行滋衅量給撫恤似覺兩全切不可自我發端以貽口實刻正籌辦細情另奏先電請

旨印界漸有轉關謹請代奏等語是原奏明稱不致另行滋衅細情另奏其語尙非游移竊慮電字或有訛誤致勞宸廑謹照錄原電聲明伏思訥欽身處藏中身親目睹其言不致滋事更屬可信理合附片具陳伏乞

聖鑒訓示謹

奏

夏禾

冬

三三三

查辦德爾格忒土司獻地歸誠請設流官管轄疏
奏爲籌辦關外善後德爾格忒土司獻地歸誠應請改設
流官以固邊要而裨全局恭摺仰祈

聖鑒事竊打箭鑪關外諸土司以德爾格忒爲最大又名疊
蓋袤延於川藏之交南北五百餘里壤接西甯東西約
二千里界連三十九族乃茶商入藏之北路程途較捷
而地勢極要又據金沙江之上游若扼險設防則邊疆
愈固臣前於遵

旨統籌川藏全局摺內屢經陳明擬由此展修電綫次第經
營俾聲息靈通固川藏之藩籬杜外人之窺伺查該宣

慰司側旺多爾濟羅追彭錯克自同治八年承襲之後
其婦本西藏之女生子昂翁降白仁青向與瞻對番官
對堆奪吉等交通因而婦禁其夫而別居子廢其父而
自立彝倫絕滅恣行不義其苛虐土民一如對堆奪吉
所爲皆憑藉瞻酋威勢莫敢誰何而又遠隔川疆弁髦
天朝政令臣本擬大示懲創第以瞻對之議未定未敢再張
撻伐乃該土民等見我軍威大震拯邊氓於水火又聞
對堆奪吉遁回已在察木多病歿知昂翁降白仁青母
子繫援已失該老土司迭次遣人赴駐瞻彈壓委員張
繼行營訴陳冤苦而所部頭目人等亦均紛紛詣營懇

求張繼轉稟到臣請速派員查辦伏思德爾格忒本川屬土司今既自求查辦更未便置諸度外當檄張繼酌帶營勇馳往相機妥辦張繼卽率師深入險阻土民牛酒迎勞因宣布

朝廷恩惠益復感激涕零惟小土司昂翁降白仁青梗頑如故尙欲奮其螳臂糾謀抗拒不意張繼先已派營據其腹心本年四月十一日該員輕騎馳抵土寨遂將其母子一併縛獲旋據該老土司及頭目人等先後呈訴僉稱小土司等依附瞻酋其地已將淪於異域今幸大兵遠降撥雲見天該土司自揣衰病之軀情甘乞退請將

悍妻逆子盡法懲辦謹率全部獻地歸誠并將印信賦
稅冊籍等項呈繳據張繼稟報前來查該土司幅員最
爲遼闊形勢又稱險要實於川藏大有關係若不早爲
規畫將來事變堪虞旣該老土司獻地歸誠自應俯從
所請由川揀派文武改設流官措置周詳深有裨於全
局現在朱窩章谷兩土司亦係改設屯員辦理已有規
模與此事同一律而壤地之廣大邊防之喫重尤爲過
之相應請

旨俯准將德爾格忒改土歸流容臣督飭張繼等詳細查勘
再將建設事宜分晰奏明辦理竊查關外民多游牧舉

凡差使之往來商賈之懋遷師行之輓運悉以牛馬馱載不可少離苟非孳養日蕃則貨物不通公私交困而唯德爾格忒屬地水草極爲暢茂興籌官廠收效最速百務胥基乎此是不獨量其賦稅以供俸餉無煩協濟如能講求牧政又可漸拓利源似與勞師糜餉勤遠略而鮮實際者不可同日而語且各直省土司昏暴改設漢官在兵強帑足之時尙不免遷延歲月德爾格忒距川過遠歷任未經整理久矣儼同化外幸自去年瞻塞用兵之後徼外倍凜

天威而該委員張繼向來膽略兼優不辭勞瘁辦理瞻對善

後拊循備至深得眾心故德爾格忒土司聞風生感慕其馭下之推誠畏其治軍之嚴整傾忱向化兵不血刃而罪人已得收此邊徼重地其才識軼羣功績迅著實爲近今所罕睹卽隨往員弁等雖未衝鋒陷陣而於狂風積雪之中裹糧露宿山險箐密經行無人之境者十餘日遠歷邊徼險艱萬分均屬異常出力知府銜花翎直隸州知州張繼現已服闋呈報在營起復擬請免補直隸州以知府仍留四川歸候補班儘先補用並賞加三品銜同知銜卽用知縣武驥請補缺後以直隸州用候補府經歷德瑞請免補本班以知縣用并加同知銜

該兩員均並請

賞戴花翎試用縣丞張錡請歸候補班補用臆對案內已保
游擊銜儘先都司梁翰章請免補都司以游擊補用已
保花翎儘先守備盧鳴揚宋得勝均請免補守備以都
司儘先補用並加游擊銜已保花翎都司銜守備張世
彥請免補守備以都司儘先補用並加游擊銜以上八
員仰懇

天恩照擬給獎以酬勞勩而示鼓勵出自逾格

鴻施該土婦暨其子昂翁降白仁青背理滅倫素行悖逆張
繼派弁押解鑪廳收禁臣已飭提省審辦該處善後一

切均飭張繼悉心籌度務臻妥善以資經久除查取各員弁等履歷咨部外所有德爾格忒土司獻地歸誠現擬改流設官各緣由謹會同合詞恭摺具陳是否有當伏乞

皇上聖鑒訓示謹

奏

請明降 諭旨宣示達賴片

再瞻對地方自去冬收復迄今已逾半載土民望設漢官情詞迫切臣迭次陳請設官管理未蒙

俞允伏揣

聖意特慮達賴生衅外向耳今已日久彼但空言狡執別無舉動其情已可概見卽訥欽亦屢言其不致生衅外向自屬可信臣接訥欽來函迭稱達賴總以未奉

諭旨爲疑任意狡抗猝難就緒恐裕鋼到藏勢必仍執前詞伏查前奉

電旨飭令派員將瞻對民願仍歸川可以酌給賞需之意明

白宣示經臣奏派雅州府裕鋼馳往開導在案臣愚以
爲彼既以未奉

諭旨爲辭應卽仰懇

天恩寄

諭訥欽卽飭裕鋼明白宣示譯行商上告以瞻本川屬土司
從前土酋工部朗結父子叛亂經大兵會藏剿辦平息
朝廷念達賴平定之功將三瞻賞給管理原欲以安百姓今
番官對堆奪吉等苛虐百姓不堪其苦復敢越境稱兵
干預章谷朱窩之事傷我兵勇先開衅端故大兵追剿
收贍地瞻民紛紛呈訴本係川屬今情願爲漢民不願

再歸藏轄以免受害自應俯順輿情改設漢官管理
朝廷體恤下情知達賴遠隔數千里外不知番官虐民不加
深究又追念前功雖此三十年所得贍賦爲數已多仍
准酌賞經資以示維持黃教之至意等語如此

溫旨明降達賴雖極愚頑必應感激折服縱使番性遲疑未
能遽聽則仁至義盡但將贍地布置經營各土司咸知
感服一面仍行開導如前自不難徐就範圍否則頓兵
瞻對遷延時日彼但一味狡執我卽不能措手不惟耗
餉曠時且使土司觀望瞻民懷疑設別生事端則前功
盡棄後患實多臣爲有關邊要大局起見是否有當謹

考和

卷一

三

附片密陳伏乞

聖鑒訓示謹

奏

提訊德格土司老土司病歿請賞其長子官職歸漢官
管轄並張繼送部引見片

再德爾格忒土司獻地歸誠一案前經臣奏明欽奉

諭旨德爾格忒小土司昂翁降白仁青母子恣行不義業經
委員張繼擒獲押解鑪廳收禁該老土司頭目人等獻地
歸誠現擬改流設官卽著照所請行該督務須督飭張繼
等詳細查勘將建設事宜詳細妥籌奏明辦理等因欽此
欽遵在案旋據委員張繼先將該土司側旺多結羅追
彭錯及其長子奪吉色額護送到省覓寓安置酌給賞
需復飭將棄夫之老土婦玉米此登仁呷及廢父之小

土司昂翁降白仁青由打箭鑪派弁押解來省拘禁經
臣派員分別審訊該老土司則據實申訴稱其爲瞻番
官對堆奪吉帶兵到德勒令罷職讓與其幼子昂翁降
白仁青充當土司皆由其婦私通瞻番官又有助惡頭
人勾結名爲其幼子充當實則悉由其婦任聽番官強
霸苛索伊被廢逐於梭磨村間居數載今大兵到境情
願獻地歸誠但求懲辦其婦及助惡頭人等語其長子
所供亦大致相同惟質訊老土婦自知罪重堅不承認
勾串瞻番情事其小土司供雖避就尙略供瞻番之勒
索橫霸惟言語不通輾轉繙譯質訊較難而情事業已

顯然無疑伏思番俗素無倫紀似未便重繩以法擬從寬永遠拘禁亦足以示儆懲查該土司之長子奪吉色額隨侍其父頗能孝養人亦明謹今老土司居省兩月因病身故擬請賞其子以屯守備之職遣送其父柩歸葬卽令其管理頭目人民而轄隸於漢官以旌其向化之誠茲復據善後委員張繼稟稱擬改其地爲德格屯并將查勘建設文武員弁各事宜及地圖賦稅清冊呈請派委屯員管前來經臣檄派候補知縣喬震生馳往經管仍飭張繼酌留弁勇一營以資彈壓除將擬設文武員營汛及賦稅冊籍飭行司道詳細核議另行陳奏

外惟德格之地距打箭爐千里而遙必經章谷等土司
及瞻對各境而後得達道路荒僻險阻文報動逾兼旬
而各土司見官兵經營邊外其素行不法者不免心懷
疑懼往往造言生事以致時有謠傳臣隨時查探多屬
子虛張繯現已由德格旋師瞻對惟自去秋派令率隊
出關今已逾年所部士卒扼守瞻地遠定德格迭著勤
勞關外荒寒糧運維艱而交冬墮指裂膚異常艱苦臣
已酌派委員帶同營勇前往換防以均勞逸查張繼人
素慤直不避勞怨由庶吉士改官四川十有餘年歷任
均有政聲此次經臣委辦關外善後尤能不辭艱苦勤

定邊荒洵屬膽略優裕文武兼資是以臣前摺據實保
奏請免補直隸州以知府留川補用並加三品銜合無
仰懇

天恩俯准將張繼由臣給咨送部帶領引

見則其才之是否堪膺任使難逃

聖明洞鑒如蒙

俞允並請俟引

覓後仍發回四川留省補用俾臣得收指臂之助出自逾格

鴻施所有擬辦德格善後及請將張繼送部緣由謹附片具

陳是否有當伏乞

考和

卷一

聖鑒訓示謹

奏

卷二

遵 旨釋回德格土司疏

奏爲德爾格忒土司遵

旨勿庸改流責成該土司照舊管理擬分別先後釋回并可
否暫留漢官彈壓以安邊徼恭摺仰祈

聖鑒事竊臣於八月二十九日恭奉電傳

諭旨德爾格忒土司改流一案鹿傳霖辦理未妥此係該土
司家事朝廷不必過問著宣布德意責成該老土司仍舊
管轄毋庸改流設官昂翁降白仁青及其家屬一併釋放
欽此跪誦之下惶悚實深伏查此案前因該土司內亂以
致瞻番乘勢侵越私通土婦遂廢老土司而立其幼子

實則政令出自番官土民受其苛索迨瞻對既定老土
司遣人赴瞻呈訴委員張繼據情稟報到臣當檢查舊

案光緒十九年曾經該土司稟控打箭鑪廳轉稟經前

督臣劉秉璋批飭查禁有案臣因飭張繼前往妥辦老

土司獻地歸誠并將小土司母子拏解送省質訊臣因

請改設流官控扼險要以期安固邊圉當經詳細奏明

奉

旨允准在案嗣將老土司父子及小土司母子先後送解到

省派員質訊與其稟控情形相符卽飭分別安置老土

司父子酌給賞需土婦等交押管束擬俟委員經理就

緒再遣之歸老土司旋因病身故擬卽令其長子送柩歸里予以土守備之職飭仍管理其地而轄於漢官并德格善後辦有端倪情形亦經臣由驛附

奏計尙在途今奉

旨勿庸改流遵卽宣布

朝廷德意自應飭老土司長子奪吉色額充當土司責成仍舊管理其地并運其父柩歸葬該土司頂戴

天恩叩頭流涕惟申訴其弟昂翁降白仁青忍心背父年幼無知易受助惡頭人唆使懇求暫緩遣歸俟其到後經營一切再請釋回庶無他慮并求酌留官兵爲之保護

數月俾得布置周妥以免後患期不負

大皇帝高厚再造鴻施等語臣查其情詞懇切既蒙

天恩賞還其土司自應始終保全若不分別先後遣歸設有
事端不惟該土司難安其職卽邊圉恐亦因之不靖似
非所以仰體

聖主加惠邊番之至意除派弁護送該土司奪吉色額卽日
起程外理合據實陳明籲懇

天恩可否准如該土司所請將昂翁降白仁青母子暫緩釋
回及酌留駐德官兵數月俾得布置周妥之處恭候

訓示遵行所德格土司遵

旨勿庸改流及擬請緣由恭摺具陳是否有當伏乞
皇上聖鑒訓示謹

奏

三ノ木

三ノ木

三ノ木

詳陳籌辦德格土司實情同官藉詞傾軋請飭新任督

臣查辦疏

奏爲微臣辦理德爾格忒土司一案兩次欽奉

嚴旨訓誡謹將籌辦邊務實情暨感悚下忱恭摺覆陳仰祈
聖鑒事竊臣於光緒二十三年九月初五日承准軍機大臣
字寄本年八月十九日欽奉

上諭恭壽奏土司改土歸流督臣事前並未商辦徑行列銜
具奏據實奏聞一摺四川邊務事宜向由總督會同將軍
互商妥善合詞具奏德爾格忒土司獻地改土歸流一案
鹿傳霖並未知照恭壽竟將該將軍銜名列入與歷來辦

法不符並據該將軍奏稱該督不察虛實卽飭委員張繼率師往取其地張繼急於邀功遂將該土司全家誘獲解省監禁疊次提審所供情節與張繼所稟懸殊現聞張繼在德爾格忒被圍邊民之未必心服亦可想見等語此案實在情形究竟若何朝廷無由懸度若如該將軍所奏辦理實未妥善國家深仁厚澤二百餘年各土司食毛踐土與內地軍民無異從前用兵查辦之案甚少此次鹿傳霖在川瞻對旣已用兵三峯披桑又復紛紛滋事雖時勢所值不同該督等亦應酌度情形倍加詳慎乃鹿傳霖咨覆恭壽有如果辦理不善該督當獨任其咎之語事關邊務

豈可掉以輕心獨斷獨行設有貽誤該督能當此重咎耶
恭壽所請嗣後邊務事件無庸會列銜名徑由督臣具奏
以一事權亦屬非是總之恭壽鹿傳霖共事一方同受朝
廷重寄均應屏除成見和衷商辦俾邊圉又安番情悅服
方爲不負委任正不獨德爾格忒一事爲然也將此由四
百里各諭令知之欽此等因九月十三日又准軍機大臣
字寄光緒二十三年八月二十八日奉

上諭文海奏詢明德爾格忒土司改土歸流大有後患各摺
片本年五月間據鹿傳霖奏稱德爾格忒小土司昂翁降
白仁青母子恣行不義業經委員張繼擒獲押解鑪廳收

禁該老土司及頭目人等獻地歸誠現擬改設流官當經諭令妥籌辦理此次文海行抵打箭鑪詢問情形始知張繼以帶勇前往察木多查辦爲名突入德爾格忒境內誘令該土司及其長子先赴鑪城旋將土婦及其少子一併拏獲稟稱勸令獻地投誠鹿傳霖飭令將該土司父子夫婦解省審辨道路傳聞莫不駭異以致各土司皆有不安之象等情此事鹿傳霖輕聽委員一面之詞輒稱德爾格忒小土司恣行不義老土司情願獻地歸誠即使所奏屬實亦祇應將小土司昂翁降白仁青解至打箭鑪城派委員查訊明確即可辨結何以又將該老土司一併解省到

省之後供情若何亦未據鹿傳霖續行奏報情節種種支離自相矛盾以二百餘年恭順之土司輒因其家庭細故勒令改土歸流並非出於情願又將其父子解省監禁各土司豈肯心悅誠服辦理若此轉涉滋生事端鹿傳霖奉到此旨著卽速將該土司父子夫婦釋放并宣布朝廷德意諭令該老土司速回德爾格忒經理該土司事務仍令其長子幫辦一二年後果能稱職卽奏請承襲或可收效桑榆慎勿諱過護前仍蹈故轍其改土歸流一節著毋庸議此外如三巖之搶案桑披之命案均應辦理得宜迅速了結毋使朝廷久厯西顧之憂將此由四百里諭令知之

欽此欽遵先後寄信前來仰見

聖主訓誨周詳慎重邊疆之至意跪聆之下愧悚莫名查
臣
昨已將查辦德格善後及老土司病故請予其長子以
屯守備飭仍管理其土地而隸於漢官緣由具

奏嗣奉電

旨毋庸改流又復欽遵將土司長子及其家屬分別先後釋
回陳明在案所有
臣
籌辦德爾格忒土司詳細情形謹
再爲我

皇一縷晰陳之查該老土司側旺多吉羅作彭錯娶藏女爲
婦生長子奪吉色額其婦又私通頭人奸生一子卽昂

翁降白仁青也該老土司政令無常始而其婦與之不睦繼又有頭人數名爲其所深惡其婦因與此數頭人合謀勾結瞻番官對堆奪吉於光緒十八年帶兵至德通於其婦遂廢老土司置之墨西一隅之地而立其姦生之子爲土司其長子奪吉色額人甚孝謹願隨其父居於貶所於是德格土司遂爲瞻酋侵奪迄今已五年矣迨瞻對收復臣派委員張繼帶營駐瞻彈壓該老土司遣人赴訴於張繼而老土婦及其同黨頭人頓失瞻酋依據內不自安亦賚重幣赴張繼處甘言結納以覘動靜張繼因瞻地甫復事須穩慎遂不動聲色於兩造

均善言撫慰各遣之歸一面將詳細情形密稟到臣當諭以瞻地善後辦妥再酌度情形相機往辦本年二月張繼卽親率弁勇間道馳往先經墨西地方該老土司出見申訴求嚴辦其婦及頭人張繼細詢情形知該老土司與其土婦同黨頭人有不兩立之勢因勸令獻地歸誠俟漢官勘定仍可予以土職而安其故土該老土司當卽具結允從彼時若不使該老土司暫離其地則其婦及黨惡頭人以爲老土司復位必肆意報仇咸懷疑懼難免不糾眾抗拒事轉費手張繼陽爲不直其詞先將老土司父子送至瞻對暫住得以乘勢直入其官

寨拏獲土婦及其逆子一併解贍而安撫其頭人乃得
妥籌善後臣以派員往贍對提訊恐難得實故飭令解
鑪由鑪解省於老土司父子則置館授餐酌給賞需於
土婦母子則監禁以示區別原擬訊明分別釋回則往
返之間德格善後大局已定再予老土司以屯守備之
職而隸於漢官是該老土司失於贍番之地仍得復保
其故土守其宗祀不至始終受制於悍婦逆子既以廣
朝廷仁厚之恩又以扼邊疆形勢之要此臣悉心籌辦之實
情特以其中情節曲折煩碎勢難一一瑣瀆

天聽并非敢以土司家庭細故而勒令改流也臣雖至愚何

敢掉輕心而誤邊事顧念藏事孔棘隱憂日甚昔年滇邊土司卽因漢官平日漫不經心致令私附於緬甸迨英人據緬遂藉口全行爭佔前鑒不遠今瞻對逼近川疆自瞻酋橫暴威脅各土司附從以致關外各土司幾不知爲

天朝屬地今德格老土司旣因瞻官通其婦而廢其職呈訴歸誠乘此經營建置文武扼其險要且展修電線必取道其地以達三十九族而至藏中爲鞏固藩籬之計藉以仰副上年奉

旨籌議關外設立重鎮之深意庶可以近固川疆遠懾藏衛

故不憚苦心經營審度籌辦均經先後

奏明在案區區愚忱實欲固邊陲而弭後患至謂各土司
有不安之象實因謠傳之由則以德格所屬部落名雜
竹卡者近年爲察木多番僧誘佔其人民土地此次張
繼到德派人前往傳喚遲久不至既至尙藉詞狡辯觀
望經張繼親往開導亦已聽命息事而察木多之倉儲
巴恐究其侵地之罪乃布散謠言以惑人心臣當卽出
示曉諭安撫各土司勿信浮言早經帖然無事查從前
各土司爲瞻酋所脅納貢上班時復糾眾出擾與明正
年年互鬪各土司之不安實甚今則土司反正悉凜

天威縱德格改流因謠傳小有不安亦已傳檄而定文海乃

謂大有後患臣實不解土司而外附藏番後患實大土

司而仍歸內屬後患何有臣提訊老土司父子並無怨

詞如實係被誘何肯緘默不言番語繙譯供詞往往錯

誤幸奪吉色額能手書番字臣所訊供詞皆其自書存

卷可查且德格全境道里賦稅未及兩月均已查清如

人心不服何以遵辦若此之易此不待辯而自明難逃

聖主鑒察者也不圖同官之意見未融竟以謠傳已甚之詞

成都將軍臣恭壽倡於前駐藏大臣文海和於後以致

上廛

聖主西顧之憂特恐此風一經傳播啟土司之輕藐長藏番
之刁風以後邊務更難措手此微臣反躬自咎而亦不
能不詳陳實情者也惟文海憚於入藏逗遛經年乃藉
稱土司滋事張大其詞巧遂其遷延之計事關川藏大
局臣不敢稍涉欺飾可否仰懇

天恩迅飭新任督臣來川查明實情妥籌辦理并將張繼一
案一併飭交秉公查辦以昭平允之處伏候

聖裁至於三巖桑披兩事皆從前舊案因關外既謀措置不
得不一律經營且巴塘教士甫經重往建堂而三巖野
番不時出劫一旦殃及教士又肇禍端故就搶摺之案

奏和
三
懾以兵威期免後患刻已據委員嵇志文提督韓國秀稟報破其堅巢剿撫兼施不日即可告竣桑披寺則久與裏塘僧俗仇殺案懸多年此次李朝福前往查辦冒然深入嚴詞詰責致激而被戕該寺僧恃險負嵎本自守之賊非出擾劫奪者可比不足以煩大兵惟扼其要隘隨時開導相機誘擒渠魁再行結案仍可徐圖也

臣受

恩深重未報涓埃今以奉職無狀叢集愆尤乃蒙

皇上逾格鴻慈不加嚴譴僅令開缺來京撫衷循省感悚交深惟念川藏安危所關甚重謹將實在情形縷晰上陳

不敢稍涉欺飾一俟交卸督篆卽當趨叩

闕廷面求

聖訓所有微臣籌辦德格一案實情及感悚下忱恭摺具陳
不勝戰慄待罪之至伏乞

皇上聖鑒訓示謹

奏

